



海國圖志

卷四十六
之五十

ル 1
3176
13



門
號 3176
卷 13



海國圖志卷四十六

大西洋 歐羅巴洲

歐羅巴人原譔

侯官林則徐譯

邵陽魏源重輯

奧地利加國

一作歐塞特里即職方外紀中莫爾大未亞也圖中博厄美厄即寒亞里也又與人呼曰雙鷹

奧地利加國本耶馬尼部落後值耶馬尼衰弱遂自立國稱王因娶寒牙里之女王為妃遂合寒牙里國為一又蠶食耶馬尼波蘭意大里各國邊境增建部落遂為

海國圖志 卷四十六 大西洋 奧地利加國

歐羅巴洲大國政事設賀官四人綜理其錢糧訟獄無專官如有控訴之事在國都者都內之官皆可斷之在各小部落者則各地尊長及其塾師均可斷之歲征錢糧銀六千三百萬員步兵十八萬五千四百騎兵三萬八千四百大礮手萬七千八百修理器械兵二千三百五十出師開路修橋兵二萬有六百

奧地亞國東界俄羅斯西界耶馬尼南界寒牙里北界普魯社及波蘭幅員二十

六萬有二百九十五方里戶三千二百十三萬四千有三十七口大部落九小部落二百八十五別有寒牙里

屬國

下奧地亞部東界寒牙里西南俱界塞底里阿北界阿巴本國四圍皆

山幅員萬五千一百八十方里戶二百有三萬一千

百三十口境域遼闊遂將部落分爲二曰上奧地亞

亞下奧地亞下奧地亞領小部落二十產金銀

銅鐵錫鉛布呢水銀銀硃玻璃寶石絲髮

上奧地亞部東界寒牙里西界磨希彌阿南界下歐塞特里阿北界磨那威阿多

山產五穀領小部落十有八

塞底里阿東界寒牙里西界沙爾斯麥南界依爾那里阿北界奧地亞幅員八千

五百六十方里，戶八十三萬九千二百二十八口，領小部落二十有五，產鐵器呢布。

伊爾那里阿，東界格羅阿底阿，西界攬麻地，南界海，北界塞底里阿。幅員萬一

千百三十九方里，戶百有十三萬八千五百零六口。

地崎嶇，領小部落二十，產苧麻絲縠布呢磁器。

覽麻地，東界耶瑪尼，西界沙厘尼，阿南界巴海，北界綏沙蘭。本意大里亞部落。

幅員萬八千二百六十方里，戶四百二十七萬九千

七百六十四口，領小部落七十有二，俗奉加特力教。

代羅爾，東界塞底里阿，西界綏沙蘭，南界覽麻地，北界耶瑪尼。在耶瑪尼極西。

崇山峻嶺，冰雪不消，俗頗淳厚，尊奉加特立教，幅員萬一千有六十八方里，戶七十七萬六千三百九十口，領小部落二十有七，產鹽木烟葉。

磨希彌阿，東界磨那威阿，西界耶瑪尼，南界沙爾斯麥，北界普魯社。為歐塞特里

阿最沃之壤，周圍大山，幅員二萬有四百二十五方

里，戶三百七十四萬八千三百六十一口，領小部落

四十有七，設兵十二萬五百二十有七，尊奉波羅特

士頓教，產布苳麻樹木，五金以錫為最。

磨那威阿，東界牙里西阿，西界磨希敏阿，南界奧地亞，北界普魯社。周圍大山。

其中沃壤幅員萬有三百二十一方里，戶百九十九萬四千八百五十口，領小部落二十有三，產呢布苧麻。

牙里西阿，東界俄羅斯西界磨那威阿南本波蘭國

部落，土少沙多，山地皆沃，幅員三萬三千一百七十

九方里，戶四百三十八萬五千六百有六口，領小部

落三十五，設那步爾奈士可臘治西底士四等官，以

綜庶政，奉波羅特士頓教，產鹽穀蜜糖樹木。

寒牙里國附記

一作博厄美厄，一作班那里阿，一作匈牙利。

寒牙里俗舊獷悍，較耶馬尼尤甚，那盧彌者，本寒牙里

南隅各地總名，與意大利亞連界，意大利亞重兵鎮守，

扼其要隘，耶穌紀年四百，晉安帝隆安四年，寒牙里之人阿士

多羅士攻破那盧彌，率眾前進，幾將攻至歐羅巴洲之

東方，與阿細亞洲之中央，後有頭目阿底那于底，依士

那盧彌兩處，各設官兵，保障邊徼，耶穌千年時，宋真宗咸平三年

遂立為國，建都于李利斯麥，傳至雷士里俄列王尤

強勇，於千四百年，明建文四年，率眾攻擊意大利亞，回國而

卒其女伊利薩麻嗣位旋嫁奧地亞國之阿爾麥王遂爲其屬國中被波蘭侵據旋即奪回繼而土魯機侵擾不已直至威音那邊界百年受患經奧地亞國力戰大勝始不敢復寇嗣遷都那摩以格羅阿底斯格那尼寒牙里特蘭色洼尼四部落路接土魯機畫出邊界屯田養兵六十家設一頭目無事耕田訓練有事百丁抽五以禦邊徼設官四等一教師一世爵一問事官一管各部落官凡遇更例立王加稅添兵則四等賀官齊集會議番有二種一曰麻亞一曰加窩尼唵士數家爲

一村多處茅屋習波羅特士頓教者五百萬習加特力教者二百有十萬餘俱習額力教言語不同耕種所獲自得八分以一分歸廟一分歸官服色尙藍不雜髮編髮辮頭戴小圓帽外加闊邊帽產布呢金銀銅鐵鉛鹽煤絲髮蜜臘烟苳麻

寒牙里東界土魯機西界色底里阿南界土魯機北界牙里西阿奧地亞之屬國

也幅員十三萬三千方里戶千二百六十萬口大部落

九小部落二百九十有二

下那盧彌部東界上那盧彌北界下那盧彌南界斯格那西界奧地亞領小部

落五十尊奉波羅特士頓教土產有酒煤

上那盧彌部東界上底斯西界下那盧彌南界斯格那北界牙里西阿領小部落

六十有八尊奉波羅特士頓教產金銅

上底斯部東界下底斯西界上那盧彌南界下那盧彌北界牙里西阿領小部落

三十有二尊奉額力教產荷碧爾石雜菓及酒

下底斯部東界特蘭色南界曼臘西界上底斯北界牙里西阿領小部落四十

有三尊奉額力教產木煙牙硝靛

曼臘部東界特蘭色南界土魯機西北界寒牙里領小部落二十有八尊

奉額力教

格羅阿氏部東界斯格拉南界土魯機西界依爾里阿北界寒牙里幅員三千

七百五十六方里戶六十一萬四千口邊界多山東

隅平衍語音異寒牙里設立總管遇大事至寒牙里

會議領小部落十有五產穀煙

斯格臘部東界寒牙里南界土魯機西界格羅阿底北界寒牙里在格羅阿底

阿之東幅員三千六百七十八方里戶三十四萬八

千口領小部落十有六土沃氣和音語龐雜

特蘭色部東南俱界土魯機西北俱界寒牙里在加底唵山之外地勢

崎嶇天時和暖宜耕種幅員二萬三千五百九十四

方里，戶二百有二萬七千五百六十六口，領小部落三十有二，尊奉加特力教，額力教，波羅特士頓教，產金鐵鹽羊毛。

那爾麻氏部，東界土魯機，西界海，南界都魯機，北界依爾臘里。領小部落六。

俗強蠻，產穀蜜糖。

奧地里亞國沿革

海錄雙鷹國，又名一達輦，在設古港口之西北，與單鷹國為兄弟，患難相周恤，亦奉天主教，風俗大畧亦與西洋同，番舶來廣東，有白旗，上畫一鳥雙頭者，即此國也。

案雙鷹旗，即奧地里亞國單鷹旗，即普魯社國，故與都魯機毘連廣東人，以其市舶旗所畫呼之，非其本名也。

貿易通志曰：奧地利亞國，粵人呼為雙鷹，土地甚廣，產水銀、硃砂、銅、鐵、白礬、絲、綢、緞、五穀、酒、蠟、煙、皮、毳、物，產雖豐，民不務商，南有港口，曰得爾士，每年進口貨價二千

萬員，出口貨價九百萬員。

此條補入。

萬國地里全圖集曰：奧地利域，東國，即歐色特里國也。北極出地自四十三度至五十一度，偏東自八度至二十七度，南及土爾其國，亞得亞海隅，以他里列國北接，峩羅斯國、陂路斯國、日耳曼國，東至末他味地，連峩羅

斯國西至日曼尼國以大里國東國所屬在日曼尼內
廣袤方圓二十二萬八千方里居民九百八十四萬丁
匈牙利邦廣袤方圓三十七萬五千方里以他里內各
省廣袤方圓五萬一千方里民人四百一十七萬丁波
羅國內各省廣袤方圓九萬六千方里居民四百零七
萬丁答馬地邦廣袤方圓一萬七千方里居民三十二
萬丁另如其別族各丁共計居民三千三百萬人所有
之馬共計二百二十萬隻國內遍有七百七十七邑六
百三十六郊二千二百二十四墟六萬九千一百零五

鄉每年收國帑者共計銀五千二百萬員國家欠銀二
萬萬員太平之際三軍二十七萬丁戰時七十五萬丁
兵船共計三十一隻

又曰東國未久立宋元年間一小邦諸侯因其君智慧
日耳曼列侯推之爲汗其權勢尙微於明嘉靖四年其
汗獲伯閔國據之此後列國改崇波羅士特正教惟東
汗固執異端力傳加特力教遇有民人不悅服者卽逼
迫強之或出國或背教倘敢抗違則定死罪後取匈牙利
利國與土耳其戰敗因要廣教門連三十年攻戰但正

教各國力戰擊退東軍，強之議和。自後其國地方愈廣，又據低地，並以他里大半與是班牙國，結爲唇齒。佛蘭西國忌其廣大，往往開釁，干戈不息。佛蘭西將武藝優嫻，恒擊勝奧地利亞，但議和之際，東國再加權復興矣。現時歐羅巴各國權勢最大者，第一英，第二俄，第三佛，第四奧也。其國商於廣州互市，插旗畫雙鷹，故華人以雙鷹國名之。

萬國全圖集曰：匈牙利邦之列地，一曰匈牙利國，其國一半山地，出金銅，其餘平坦草場，多惱河橫流，其境穀

田五萬頃，草場七萬五千頃，林九萬頃，園六萬頃，其五爵弄全權，其農夫終身勞苦，所出者畜牲，每年山廠出金千五十斤，銀四萬一千斤，及葡萄酒、麻、丹、參、蜜各貨，昔爲東方游牧達達里所攻據，與列西國交戰連年，嗣後奉耶穌之教，力勉進學，不期土耳其族奮興，戰服達達里，是以與東帝連和，共爲唇齒，招之爲王，但因東政因時異宜之處，變通增減，國之紳士會議，各抒意見，其國都曰伯堡，居民四萬一千丁，城於多惱河邊，經營最盛，伯息居民六萬一千丁，每年售出牲口，不勝其數。伯

海國圖志卷之六
息對面爲補他城居民三萬四千丁其銀場開在伸匿
居民萬七千丁採礦者居半其銅山最旺阿丁堡居民
造葡萄酒養豕每年八萬隻刺固城每被土耳其軍侵
伐五廟邑昔有文藝之名四方賢儒所會集得伯新邑
互市之地其居民崇耶穌教士額丁居民三萬丁出烟
勤務作事○一曰七山地匈牙利之東地其山出金鐵
居民大半崇正教不拜聖像此時服東國其都曰黑曼
城居民二萬丁冕城居民三萬丁與土耳其國貿易豐
盛文學院之儒千二百○一曰可刺地土民勇戰因未

向化心野意巧以農爲生產五穀煙等貨○匈牙利之
南界各農應募爲兵鎮守疆境遇土耳其軍侵犯則其
鄉兵衝鋒突陣塔馬地城沿亞得亞海瘠地其居民因
地磽不能耕捕魚爲賊山生藥材野蜜其都會撒刺小
邑加他羅城四面險固

地球圖說阿士氏拉國又名奧地利國或曰東國東南
界我羅斯土耳其二國西界瑞西國并亞利曼諸小國
北界波路西亞國百姓約三千五百萬都城名未伊那
城內民三十萬二分天主教餘耶穌教猶太教各國徒

居言語雜出或與亞利曼意大利大里口音相似內有一大江名拖地俾屬國頗多土產金銀銅紅銅水銀鹽五穀等物

地里備考曰奧斯的里國在歐羅巴州之中其國土在北極出地四十二度起至五十一度止經線自東六度起至二十四度東至厄羅斯國西連蘇益薩國南接土耳其基意大里二國暨地中海北界布魯西波羅尼三國長約三千一百里寬約一千八百里地面積方約二十四萬零二百四十里煙戶三京二兆口峻嶺疊起冰雪

凝積河至長者十八湖至大者十一中東二方田土膏腴餘地高燥物產微鮮氣溫和宜人物產各種金石稱富庶男女皆得嗣位以長幼爲序奉羅馬天主教者過半其額力西國暨加爾威諾路得羅等各修教奉者無幾至若入德亞古教奉者尤寥寥技藝精巧匠肆林立貿易豐盈耶穌三十三載漢光武建元九年爲羅馬國征服厥後越四百餘載有北狄侵擾唐德宗貞元七年爲佛蘭西所克改號曰奧斯的里亞元世祖至元三年亞里曼國君旣獲其地以封其世子其土地積方不

及三萬里又越數十載歷代嗣君漸廣邦基與鄰邦陸續結婚附近各地盡為所有嘉慶九年其國君進稱可汗嗣後雖曾被佛蘭西那波良占據過半嘉慶十九年兩國講和後侵地皆歸還仍為歐羅巴州富強名邦本國所屬各地雖有亞里曼波羅尼意大利翁給里四者之名然統分十五部大小不等

第一奧斯的里部分而為二一名下奧斯的里一名上奧斯的里其下者長四百一十里寬三百五十里地面積方一萬里煙戶一百萬餘口維亞納城乃國都也建

於達奴比約河岸屋宇富麗學塾醫院甚壯百貨駢集人煙輻輳其上者長五百五十里寬一百八十里地面積方九百三十里煙戶約七十七萬四千餘口首郡名靈斯

第二義士的里亞部長五百里寬四百五十里地面積方一萬一千里煙戶約七十七萬餘口

第三的羅爾部長六百里寬四百五十里地面積方一萬四千四百里煙戶約七十四萬餘口

第四布威彌亞部長一千一百里寬七百里地面積方

四萬九千里煙戶約三百二十八萬餘口此地昔爲一國迨後歸服方改爲部

第五摩拉維亞部分爲二一名摩拉維一名夕勒西其摩拉維長者五百五十里寬三百六十里地面積方一萬六千四百里煙戶約一百七十五萬餘口其夕勒西地面積方約有二千四百里煙戶約三十五萬餘口

第六壹黎里亞部分爲二一名來巴士一名的里耶德其來巴士長一千一百里寬九百里地面積方一萬八百三十里煙戶約六十四萬餘口其的里亞德地面積

方約有六百四十里煙戶約五十萬餘口以上六部皆與亞里曼國結盟故名其地曰亞里曼應出兵丁九萬四千八百名

第七加里細部長一千三百五十里寬五百里地面積方四萬二千里煙戶約三百二十三萬餘口此地昔爲一國迨後歸服方改爲部

第八布哥維納部長四百五十里寬二百八十里地面積方六千六百里煙戶約五十四萬餘口以上二部皆名曰波羅尼地其加里細昔爲波羅尼國之地中國乾

海國圖志 卷四十六
隆三十七年歸於本國管屬故仍名其地曰波羅尼其
布哥維納昔爲土耳其國之地後歸本國管屬改爲部
第九倫巴多威尼西奴部長五百里寬四百里地面積
方二萬三千六百八十里分爲二一名米郎煙戶約二
百二十萬餘口一名威內薩煙戶約九十二萬餘口此
部昔本意大里國之地嘉慶十年佛蘭西國君那波良
者立爲一國後歸本國管屬改之爲部故仍名其地曰
意大里亞

第十翁給里亞部長二千里寬一千二百五十里地面

積方十七萬一千一百二十里煙戶約七百五十五萬
餘口此地往昔自爲一國後歸本國管屬改之爲部

第十一斯加拉窩尼部長六百二十里寬二百二十里
地面積方八千八百里煙戶約二十八萬八千餘口此
地昔爲一國迨後歸服方改爲部

第十二哥羅瓦西亞部長六百里寬四百里地面積方
一萬零一百里煙戶約五十六萬餘口此地昔自爲一
國後歸本國管屬改爲部

第十三達爾馬西亞部長八百七十里寬一百五十里

地面積方八千三百里煙戶約三十萬餘口此地昔自
爲一國後歸本國管屬改爲部

第十四達郎西里瓦尼部長七百里寬六百里地面積
方三萬零八百七十里煙戶約一百八十萬餘口此地
昔自爲一國迨後歸服方改爲部

第十五邊疆之地共四處合爲一部一名斯加拉窩尼
地面積方約有四千里煙戶約二十三萬餘口一名哥
羅瓦西地面積方約有八千一百里煙戶約四十萬餘
口以上六部總名曰翁給里康熙十一年歸於本國均

改爲部此國通商衝繁之地或在海邊或內地大埠

外國史略曰奧地利國亦名東國中華稱爲雙鷹因其
船旗名之也本微國宋眞宗年間日耳曼在東界別立
君長以防範各國且稱之曰東境界由此東國之名起
焉迨元至元以後與鄰國或結盟或交戰日增其地於
明景泰七年東國之君并日耳曼國之地入版圖於明
世宗嘉靖元年與是班亞荷蘭等國交戰不絕是時東
國廣袤方圓五千四百里維時回回土耳其國羣興恨
東國崇天主教再圍其城佛國又忌之亦助土耳其軍

海國圖志卷四十一
三
侵之本國屢戰屢敗幾失全地獨存意大利地而已乾隆四年所掌版輿尙廣袤九千零四十三方里居民二千九百萬其君卒女尙幼歐羅巴列國結盟共侵其地於是其女婿嗣東國之位於乾隆二十年其國后與他國結盟欲滅破路斯國七年力戰而後退其後嗣君明哲屏斥奸邪值佛國大變其妹爲佛國之后被百姓所害是以肇衅四戰四敗乃結平焉於嘉慶十三年東國君之女配佛國君波那里稔王爲妃兩國和好嘉慶四年東國與峩破等國盟共爲唇齒戰勝佛國盡復侵地

惜其民固執天主教不改也東國地廣袤方圓萬一千一百八十八方里居民三千七百三十一萬八千其他部在日耳曼國內者在國東方通計東國公地方圓七百五十六里居民百八十五萬在多惱河兩邊廣谷四面有山最高者六百五十二丈中者六百餘丈下者四百餘丈遍山林木其地面共二百萬八千七十畝其中六十萬畝爲荒地常有水患百二十八萬爲良田七十八萬爲葡萄園六十五萬爲草場八十六萬爲林藪牧牲牛羊皆備國都曰威音城多惱河在焉居民約四

十萬城郭三十八座河上有塔高十四丈二尺民好賓客。○二曰士大境方圓數缺邑二十村九十六男四十五萬女四十七萬昔居民崇耶穌正教後迫君令改崇天主教其地高於海面千五百八十一丈其氣冷山雖多不高計地三萬五千九百頃其中田七千頃草場五千九百頃園圃四千五百六十九頃林千七百七十三頃葡萄園五百四十八頃山內有礦產五金石鹽石灰其所造最繁者爲五金各器其鐵路甚廣其居民因執天主教立教師千名僧四百五十名修道之女二十

八名。○三曰來巴邑廣袤方圓三百七十里居民四十八萬七千七百口亦多山出銅鐵其城中居民萬三千口通商之處也。○四曰地鹿邑係意大利北邊高山之地廣袤方圓五百一十七里居民八十四萬四百口城二十二座多冰嶺道路難行溪流甚急常漲溢爲害其水源能已痼病氣候冷民多重瘤年多耄耋山產五金民多畜牛果木香櫟最多亦產麻每年萬有餘石民多出外國生理多巧術能畫像雕刻童孩入學者十萬八千五百六十六名產蠶絲每年約十八萬觔其百姓屬

東國統轄佛蘭西於嘉慶年間侵其地老幼男女各持械拒之各國皆景仰焉其會城曰印布。五曰以利林在亞得利亞海邊廣袤方圓百四十四里居民四十八萬多航海貿易其會城曰地益海隅最廣港口也因免稅餉商船雲集居民七萬由印度國所來書信俱由此交遞各地。六曰破閔國即東國北方廣袤方圓九百二十五里居民四百二十二萬五千言語與破蘭音不甚異此地古時列侯所管唐朝年間其居民奉天主教與日耳曼國合爲一後多改變明永樂年間其王招納

賢能知羅馬天主教爲異端故返耶穌本教於是天主教人以火焚老教之師居民持械與戰於明武宗正德年間地歸東國而後息兵焉明泰昌時復爭教肇衅與鄰國交戰三十年東國戰勝所失民人共七十八萬口但所存者益嚴禁天主教。其地北極出自四十八度三十三分及五十一度二分形勢如釜四高中低田三萬八千九百十六頃葡萄四十四頃園九千四百八十七頃牧場六千百十六頃瀦澤三百三十四頃氣候甚冷最大河益百末道等江也其山出銀錫鉛鐵硫

海國圖志卷四十六
礪石灰五穀足用馬十四萬二千牛九十七萬四千羊
百三十四萬九千邑二百八十七座各地分十六部有
天主教師修道男女及大教師等居民有藝術歲造玻
璃不下五十萬員價與水晶等所織之呢亦日多樂勤
勞習詩書會城曰巴拉居民十一萬其中六千爲猶太
人屋宇甚多居人稠密有美殿各藝士會焉書院廣大
亦有肄業者。七曰默林廣袤方圓四百九十八里居
民二百一十九萬三千口崇正教者七十萬猶太人二
萬八千口山高四百四十丈居民多養牲畜並多餓者

其風俗與破閩國不甚殊異。在日耳曼國外之地第
一曰達馬田部本屬意大里在亞得利亞海隅右邊廣
袤方圓二百五十一里居民三十九萬八千口近海多
港口又多洲所居者漁人山內多盜賊村三十三座鄉
人好飲酒水土瘴癘河甚多入夏卽涸居民精壯外多
和善心極狠毒。第二曰破蘭昔屬地加利西方圓千
六百三十三里居民四百八十六萬六千地皆平坦眾
水所瀦中有豐田多牛多蜜多林木有熊狼兔出石鹽
金砂白礬其居民大半爲農少聰明鮮製造崇天主教

五爵最多，每迫其民作亂，會城曰林伯口，第四曰雲音部，廣袤四千一百八十六里，居民千二百一十九萬二千口，屬此地者七，山廣袤一千零百里，居民二百一十萬二千口，與土耳其國交界之地七百里，居民百二十萬口。雲音之地，在土耳其北之國，梁朝年間，匈奴苗裔所別立者也，數侵各國，後周太祖廣順年間，敗日耳曼之軍，其國日興，招賢士，布術藝，宋理宗紹定十六年間，蒙古人來侵，遍國遭殺，其王愛民如子，故兵退後，居民仍相聚自守，明景帝景泰年間，土耳其族強服希

臘國，而雲音王效死力戰，亡者不勝數，明正德八年，其國王陣亡，雲音國大半歸土耳其國，嗣後民服老教，歸上帝救主耶穌，康熙三十七年，其國歸東國，強土耳其族來還侵地，乾隆四十年間，東國之君多募其兵，以攻佛國，道光十四年，瘟疫廣流，斃者二十萬餘口，其民以此災罪其管長，因作亂，然其地盛五穀，產良馬，計牛四百萬隻，羊約九百萬隻，亦養蠶，每年出絲二百石，產葡萄約有三百種，其山產五金，北地有川，其鐵若在水多月，能變為銅，其民言語各異，務農，鮮製造，其天主教

師有財帛自尊大其五爵弄大權待農夫如奴不納餉有政務則招兩公會聚議其事東國之君拱手聽之每年納銀五百萬兩兵六萬二千又衛土耳其交界之民壯六萬二千丁其國都曰阿賓曰必布其地之大河由土耳其國入海隅者曰多惱江其所屬雲音之地一曰哥亞田在亞得利亞海隅與土耳其國交界入雲音版輿者廣袤方圓百七十二里居民五十七萬五千口城七座所屬交界之民四十四萬八千名廣袤方圓二百八十八里城六座其民甚愚而兵甚伶俐物產最多未

善造製其山多高峯。○二曰士拉窩尼在雲音可亞田土耳其中間廣袤方圓三百十里居民六十萬丁有兩河時漲壞民地多橡木多瓜烟葡萄胡絲蜜糖其民愚多力鮮製造崇天主教土音與破蘭不異其會城曰益悉居民八千又七山地方在雲音東山嶺圍之故各國難侵其地多出五穀葡萄木料烟馬牛及各項鳥雀其山出五金地甚高各川所發源也城百二十一座村六十鄉二千五百八十六百姓最勤勞善積財通貿易由日耳曼運入者每年價銀八十萬兩運出者五十萬兩

海國圖志卷四十一
民崇耶穌本教各鄉紳依律例以籌議東國君不得擅
行國餉每年約四十萬兩其交界凡步兵四營騎馬一
營以時防範其會城曰黑曼士達造新布等邑國地共
方圓萬二千一百八十八里其居民三千七百三十一
萬八千口軍士四十六萬九千其日耳曼族千一百七
十八萬口其山方圓八千七百里最高之峯千二百丈
平坦之地方圓三千四百里江河或入黑海或亞得利
亞海或巴得之海最大者多惱河周迴萬有二百里若
中國長江居民種類不一有由亞細亞中國之新疆來

者其屬日耳曼者厚重好施濟然縱慾疎慢其屬破蘭
者最愚好飲酒作樂屬雲音者敢死有才能○庶民分
四品教師五爵良民農夫其教師俱服其官憲教主則
有大權勢其爵分三分有世田富財驕傲其良民亦分
三品或由君或由大臣或由地主管之隨所居之城邑
而服役農夫甚貧服地主若奴焉在交界之民力防土
耳其之侵○居民九分之一崇耶穌老教餘各奉天主
新教○農困於徭役雖田盛地豐穀不足食多由他國
運入外國所買牲畜馬隻每年約三百五十萬出蠶絲

約四十一萬石其羊毛賣與外國者每年十萬有餘石
雲音多葡萄其林密而深多木料若分田按價則共計
銀六十三萬八千圓穀田銀三十萬一千一百萬圓葡
萄圃十一萬四千四百萬圓林十萬三千圓草場五萬
九千六百萬圓牧場三萬三千六百萬圓園地二萬六
千三百萬圓其產物之價六萬五千萬圓養馬二百三
十一萬二千隻騾三萬二千隻驢五萬九千隻牛百一
十六萬隻羊牛二百八十萬隻山羊二百十六萬隻豕
六百三十萬隻○昔居民無製造今漸學習每年所織

之呢羽運入者價銀四萬七千四百圓運出者千九百
六千四萬圓所運出之絲緞約八十五萬六千圓運入
之麻布七十三萬九千圓運出之貨三百九十八萬四
千圓玻璃磁器亦不少製造之匠二百五十萬丁道光
十八年所運出貨價八千九百九十四萬五千圓運入
八千四百九十六萬圓船不遠駛共三千三百隻水手
一萬七千丁火輪船十五隻其大船遠航者五百一十
三隻東國之通商在要要口曰多惱河面掘地開渠以
廣河道遍國流通如平地焉○論教化則東國只崇天

主新教不知有本教也在書院之儒務大學者四萬八千在庠序者二萬五千餘名民之在學堂者百六十一萬名在小學五十九萬名都中淫風最盛國多礦山出五金石鹽石灰計價銀二千萬圓此時亦減○國有大臣六員別有兵刑錢穀工程教化大臣十員其君親民如子時時遊民間以知其害惡各國惟土君操權雲音等國則有五爵鄉紳之公會權過其君每年公帑所收東國之銀八千七百萬圓入不敷出是以國家多出銀票然往往虧空欠項四萬萬圓其兵弁共計二十七萬

水師中品船八隻下品船二隻二桅船三隻小船四十九隻共載炮五百一十門

瀛環志略曰日耳曼全國時以奧地利爲共主諸部如畿內之侯當查理第五王之興也據佛王服羅馬兼荷蘭聲靈赫濯幾於霸矣惜二教肇兵貽謀不善厥後日耳曼列侯自王其國無復臣主之分舉雖置土日闢而聲威遠遜然西土論國勢者猶以峩英佛舉爲次第焉

制千七百七十餘年乾隆三十餘年普魯社俄羅斯歐塞特里
阿三國遣人說波蘭王願助兵誅鋤頑梗約割地酬勞
議未決千七百九十有二年乾隆五十七年三王合兵來攻于
是被俄羅斯國奪去十部落普魯社奪去東普魯社西
普魯社波新三部落歐塞特里國奪去雅爾西阿一部
落波蘭僅存洼肖與格那耦兩部落而格臘耦近又不
服統轄波蘭惟洼肖一區然膏腴阜產亦足供給各小
部落設有總領如遇會議各以兵自隨稍不合輒爭鬪
王亦置若罔聞惟視其強弱而左右之法舊嚴峻近改

寬大人咸欣悅而各部落亦較前馴帖波蘭國東界俄

界歐塞特里西幅員四萬八千六百五十五方里羅斯南

北界寒牙里百七十萬口小部落四十有七土人奉加特力教由教
額力教產布呢麥木穀

格那耦東南俱界牙里西阿西在洼肖之南地土肥厚

界普魯社北界洼肖幅員五百方里戶二萬四千八百口土人尊奉加特力
教近自專制一方不歸波蘭所轄

波蘭國沿革

職方外紀波羅尼在亞勒馬尼東北極豐厚地多平行

皆蜜林國人採之不盡多遺棄樹中者又產鹽及獸皮
鹽透光如晶味極厚其人美秀而文和愛樸實禮賓篤
備絕無盜賊人生平未知有盜國王亦不傳子聽大臣
擇立賢君其王世守國法不得變動分毫亦有立其子
者但須前王在位時預擬非預擬不得立即推立本國
之臣或他國之君亦然國中分爲四區區居三月一年
而徧其地甚冷冬月海凍行旅常于冰上歷幾晝夜望
星而行有屬國波多里亞地甚易發生種一歲有三歲
之獲草菜三日內便長五六尺海濱出琥珀是海底脂

膏從石隙流出初如油天熱浮海面見風始凝天寒出
隙便凝每爲大風衝至海濱

原無今補

萬國地里全圖集曰波蘭國內之地一曰牙里西林叢
廣坦兼有沙國出五穀畜牲林多狼熊獻皮受賞其土
多出鹽百姓並拜天主聖像信僧誘惑民惟務農不織
布帛其省會隣山城內有文學院一曰羅多麥與牙里
西爲一國其五爵代東帝治國政百姓納田賦稅餉待
其五爵議定而後征收其甲口城與其郊廣袤方圓千
五百里居民九萬三千丁不服他國城內多廟寺繁尼

僧通商隣地

波蘭國昔日自主治民因五爵相爭，俄羅斯與奧地利亞波魯斯兩國分奪其大半。道光十二年，効死亂叛，然交戰十餘合，不足抵禦。自後仍歸俄羅斯統轄，產五穀、蜜及木料，居民大半五爵之奴也。其都城曰挖稍城，居民十五萬丁，其中三萬猶太國人好攘奪。其東方稱曰力刀地，與波蘭國相仿，會城曰味里那，其內有文學院。窩希尼與破多里等部，昔歸波蘭國，遍處平敞。原無今補地里備考曰：耶穌一千八百十四載，有波羅尼亞國者。

統歸俄羅斯國，東至俄羅斯西北，皆連布魯西亞國，南接加拉哥維國，長約一千二百七十里，寬約八百里，地面積方約六萬三千七百里，烟戶三兆九億二萬五千。口土地平坦，多湖河，饒穀果，產銀銅鐵錫煤玉紋石硫磺磁器等物，地氣溫和，一望平陽，無山障蔽，北風甚烈，所奉羅馬天主教，或奉別教，概不禁止，技藝稍庸，匠肆鮮少。通國分爲八部，一名馬索維亞，乃會城也。每年由厄羅斯國王欽派總管官一員，駐劄節制，一名加拉哥維亞，一名三多迷爾，一名加利斯，一名魯伯林，一名

波羅谷一名波達拉給亞一名亞烏斯多窩

又曰加拉哥維亞國原波羅尼國之地當波羅尼國版圖入厄羅斯國時厄羅斯國王欲兼併一統而奧斯的里亦欲據之嘉慶二十年各國公使齊集維耶納地會議將其地兩不歸併另立一國且議以厄羅斯奧斯的里布魯西三部邦互相覆庇北極出地四十九度五十八分起至五十度十六分止經線自東十度五十三分起至十七度五十二分止東北皆連波羅尼國西界比里尼加河南枕維世都拉河地面積方約有六百二十

里烟戶一億一萬四千口本國一望平原景色雅緻饒穀果地氣較波羅尼國尤暖不設君位黎庶自推官長理事二載更易奉羅馬天主教餘教亦不禁止民人勤勞貿易昌盛會城建於維世都拉河岸貨物駢集其加拉辣多慕拉哥爾塞索維斯二處溫泉甚多赴浴如市乃本國人烟輻輳之地

為一嗣在鴉地東隅擇山谷形勢建築險固之城雖名屬耶馬尼實專制一國迨耶馬尼無道國中離叛瑞國王恃城險可拒敵兼有特爾之勇將遂興師與耶麻尼抗拒連勝從茲不受統轄分疆域為十三部以蘇利赤為國都百餘年復為佛蘭西攻擊力不能敵遂輸誠于佛蘭西值西洋各國兵戈迭起幾作佛蘭西奧地里亞及俄羅斯三國之戰場民罹其荼毒迨佛蘭西波利稔王時始不受統轄部眾不願立王僅於麻尼各部落議設總領并小官數員權理國事立法過嚴復思離散

遂分二十二頭目各自為治不相統屬惟于每年集五部落會議一次遞相輪次周而復始所議無非守土禦敵之策額兵三萬二千分隸各部遇有事按丁抽調風俗儉樸尊加特力教文學以仁尼洼疏畱赤兩部為最河道三蠻河自洼利斯起至仁尼洼湖止阿河自麻尼發源至阿俄威阿止吳河自額里渠至千斯頓湖止產麥穀鐘表袈娑布麻布

綏沙蘭即瑞國東北俱界奧地利亞國西幅員萬五千方里戶二百萬有三千口總部落二十有二各設頭目

不相統屬 觀此志注斷在洲中海之南不在海北明矣

國判然二國也 彼圖中涉海而北者乃北方之瑞丁國與瑞

蘇利赤 西少北一語謂瑞丁非謂瑞國也 領大部落一、小部

牙厘 東界奧地里加國南界額里渠 領大部落六、小部

阿丙西爾 四圍俱界牙厘 領大部落二、小部落七

都耦 東界奧地里加南界牙厘 領大部落三、小部落六

斯渣付侯新 西界蘇力赤北界耶馬尼 領大部落一、小部落五

續 東界色錐斯南界色錐斯西 領大部落一

色錐斯 東界額臘力斯南界烏厘 領大部落二、小部落

額臘力斯 東界牙厘南界 領大部落一、小部落一

額里渠 東界斯渣付侯新西界烏厘 領大部落一

底西那 東西南俱界意大 領大部落二、小部落九

烏厘 東界額里渠南界底西那 領大部落一、小部落五

厘注利斯 東界烏厘南界意大里亞 領大部落四、小部

落十有三

落十有三

注瓦利司東界里注利司西界仁尼領大部落二

麻尼東界烏厘南界厘注利司西界非里麥北界梳雷赤領大部落九小部落三

十有九

崦那注爾領東界烏厘南界麻尼領大部落一小部落

四

魯沙尼東界色維司南界崦那爾領西界麻尼北界阿俄威阿領大部落三小部

落九

阿俄威阿東界蘇利赤西界麻塞里南界魯沙尼北界耶馬尼領大部落一小部

落十有四

麻色里東界阿俄威阿西南俱領大部落二小部落十
有七

紐查底爾東界梳流治西北領大部落二小部落八

稔部東界非里麥南界仁尼注西領大部落九小部落

二十有四

非厘麥東南北俱領大部落三小部落九

仁尼注東界注瓦利司西界佛蘭西領大部落四小部

落三十有五

案瑞士西北之山國也東西南三界山為境如翠屏

然其東北界君士但湖西南界義尼威湖自中部之路
新地部西南有大山巨百尼地之北所羅頓地部大水
之南迤西而南巨法舉地之西義尼威湖巨其間越湖
而南於湖東南逕瓦勒地部之西而西南而南而東南
繞他西那地部之西而北逕加律地部之南而東其孫
地部之北而入日耳曼界又繞其孫地之東而東南他
西那地之東入意大利國界其國之西北巴悉邑西南
有山縣巨所羅頓地西非布地西義尼威湖西義尼威
邑西而南入意大利國西界其由加律地西北一支由

亞實悉邑西而入日耳曼惟東北突舉地正北士勒邑
及路新地之東押舉地無山而已

瑞國沿革原無今補

萬國地里全圖集曰瑞國乃日耳曼佛蘭西以他里三
國中、間、福、小、山、地、也、北、極、出、四、十、六、度、至、四、十、八、度、偏
東自六度至十一度廣袤方圓五萬七千方里居民二
百萬丁高峯刺天終年有雪但其山水雄奇遠國之士
每往遍遊其地歐國之大河亦由此地流出西方有湖
周遶密林澗溪回環鹿麇趨躍無異園囿其穀豐盛多

產藥材又多牛畜奶餅最香其居民歷六百年不服王化游牧山谷帳逐水草既無暴主苛政各得其所近日大半崇正教拜救世主其俗樸直而強健是以各國募其兵丁爲王宮之侍衛因效死忠戰最勝於各國之軍焉全地分二十二部在西南佛國交界熱尼瓦城建在湖濱居民造時辰表每年價銀六百萬兩所販於中國者大半此城之民雖服瑞丁然其貴人自主國政最著之城乃基坦敦害米等邑

地球圖說瑞西國又名瑞士國東界阿士氏拉國南界

意大利亞國西界佛蘭西國北界亞利曼諸小國百姓約有二百萬之數有至大之城一名熱尼瓦城然非國王所建都也國內分列二十二部大半耶穌教小半天主教亦有書院以教養幼士民之言語各隨其地北則亞利曼西則佛蘭西南則意大利等音有山名亞力伯終年積雪地多磽瘠物產不多大半牧羊本阿士氏拉國所轄昔有善射者名得利阿士底拉國官置蘋果於其子首令射之一矢果落而子不受害由是民不服叛拒自主其政迄今六百三十年矣道光二十八年是國

又不靖，尚未和好。土產奶餅、藥材、羊毛、布疋、辰表、鹿等物。

地里備考曰：蘇益薩國。

蘇綏瑞三字音近亦猶瑞丁之作蘇以天也。

在歐羅

巴州之中，北極出地四十五度五十分起至四十七度四十九分止，經線自東三度四十三起至八度五分止。東至奧斯的里亞國，西連佛蘭西國，南接奧斯的畢國，暨薩爾尼國，北界亞里曼國，南北相距約五百里，東西相去約七百五十里，地面積方約二萬四千里，烟戶一兆九億八萬口，本國峯巒疊起，河之長者四湖之大者

十四，山上則冷，平原則溫，谷中則熱，田土高則瘠，下則沃，平隰產穀果，適敷所需，草木豐茂，禽獸充斥，土產金銀、銅、鐵、錫、鉛、煤、白、玉、紅、玉、碧、玉、瑪瑙、水晶、硫磺、礪砂、石膏、信石及各種花石等。至於朝綱，不設君位，惟立官長、貴族等，辦理國務，奉羅馬天主教者四，及加爾威諾修教者六，貿易昌隆，匠肆林立，昔為羅馬國統屬，羅馬衰始為佛蘭西亞里曼等遞取，元成宗大德四年，國人誅戮官吏，以避苛政，越八載，有烏黎孰義的斯翁德瓦里的三國互相救援，明武宗正德八年，凡會盟者十二

國嘉慶三年蘇益薩國又爲佛蘭西占據改爲十九小國迨嘉慶二十年佛蘭西國王那波良敗績後蘇益薩國復得自立更有奧斯的里國會議爲二十二部小國素不養軍每國各按戶口多寡應出壯丁若干以防不虞

其一給里孫長二百五十里寬一百八十里地面積方三千八百八十里烟戶八萬八千口應出壯丁一千六百名地居東方通國分爲三處其三處一名給里孫一名加德一名森給里至

其二伯爾尼長三百里寬二百里地面積方四千七百六十里烟戶三十五萬口應出壯丁五千六百二十四名地居中央不設君位

其三瓦來斯長三百餘里寬十餘里地面積方約二千五百四十里烟戶七萬口應出壯丁二百八十名地居南方

其四瓦烏的國長一百八十里寬一百五十里地面積方一千九百五十里烟戶十七萬口應出壯丁一千二百八十名地居西方

其五德西怒國長一百三十里寬一百二十里地面積方一千四百八十里烟戶十萬零二千口應出壯丁七千八百零四名地居南方首郡並無常處惟以北靈索內盧加諾羅加爾奴三地迭相為首每至六載輪流更換

其六桑牙祿國長一百五十里寬一百一十里地面積方一千一百里烟戶十四萬四千口應出壯丁二千六百三十名地居東方

其七蘇黎世長一百二十里寬一百一十里地面積方

一千二百四十里烟戶二十一萬八千口應出壯丁三千七百名地居北方

其八盧撒爾拿長一百二十里寬一百里地面積方一千里烟戶十一萬六千口應出壯丁一千七百三十四名地居中央

其九亞爾科維亞長百二十里寬八十里地面積方一千里烟戶十五萬口應出壯丁二千四百名地居北方其十弗里不爾厄長一百二十里寬七十里地面積方六百四十里烟戶八萬四千口應出壯丁一千二百五

十名地居中央

其十一烏黎長一百三十里寬六十里地面積方六百七十里烟戶一萬三千口應出壯丁二百三十六名地居中央

其十二孰義的斯長九十里寬六十里地面積方六百一十里烟戶三萬二千口應出壯丁六百零二名地居中央

其十三加拉利斯長九十里寬五十里地面積方四百里烟戶二萬八千口應出壯丁四百八十二名地居中

央

其十四牛弗砂德爾長九十里寬五十里地面積方四百里烟戶五萬一千口應出壯丁九百六十名地居西方雖屬不魯西亞國王管轄尙有國君分派之官四十五員

其十五獨爾科維長百里寬八十里地面積方四百六十里烟戶八萬一千口應出壯丁千五百二十名地居北方

其十六翁德瓦里的長八十里寬六十里地面積方三

百三十里、烟戶二萬四千口、應出壯丁三百八十二名、地居中央、分爲二處、其二處一名上翁德爾瓦里的一名下翁德爾瓦里的、

其十六梭律勒、長一百二十里、寬八十里、地面積方三百五十里、烟戶五萬三千口、應出壯丁九百零四名、地居北方、

其十八巴勒、長八十里、寬五十五里、地面積方三百四十里、烟戶五萬四千口、應出壯丁九百八十名、地居北方、

其十九亞奔塞爾、長一百里、寬六十里、地面積方一百九十里、烟戶五萬五千口、應出壯丁九百七十二名、地居東方、分爲內外二處、

其二十砂佛塞、長七十里、寬四十里、地面積方二百二十里、烟戶三萬口、應出壯丁四百六十六名、地居北方、其二十一日內巴拉、長七十里、寬約二三十里、地面積方約一百二十里、烟戶五萬二千五百口、應出壯丁八百八十名、地居西方、

其二十二蘇克、長五十里、寬三十里、地面積方一百五

十里烟戶一萬四千口，應出壯丁二百五十名，地居中央，以上皆自推鄉官數十員理事。

其通商之地曰巴勒，曰蘇黎世，曰日諾瓦，曰森的加羅，曰加位利斯，曰挨里搔，曰牛弗砂德爾，曰名羅哥勒，皆大市埠。

瀛環志略曰：瑞士

瑞士○東色楞○綴沙蘭○蘇益薩

在日耳曼南，舉

地利亞西，佛郎西東，意大利亞北，東西約五六百里，南北約三四百里，萬山疊峙，中峯高接霄漢，常積冰雪，歐羅巴大河多由此發源，山水清奇，甲於歐土，西境有官

斯丹薩大湖，圍以密林，縈以清澗，豐草芳緝，麋鹿羣游，尤為幽勝，產五穀藥材，所造奶餌極甘香，居民大半以牧畜為生，夏月驅牛羊入山，秋冬乃返，國無苛政，風俗儉樸，數百年不見兵革，稱為西土樂郊，古時地屬羅馬，羅馬衰亂，北狄據之，旋為佛郎西所有，後為日耳曼所奪，其民慤勇，日耳曼選為親軍，臨陣皆効死力戰，初分三部，後分為十三部，皆推擇鄉官理事，不立王侯，如是者五百餘年，地無鳴吠，西土羨之，嘉慶三年，佛郎西攝王拿破侖時拿破侖尚未即位以兵力取入版圖，改為十九小部。

拿破侖敗各國公使會議於維耶納，益以牙錯之日內

巴拉牛弗沙德爾，本屬普魯士瓦來斯，本屬塞地理亞三部，共二十

二部，為瑞士國，仍其舊俗，共推鄉官理事，酌地勢按戶

口，按壯丁禦侮，諸大國不得鈐制。

按瑞士西土之桃花源也，懲碩鼠之貪殘，而泥封告

絕，主伯亞旅自成臥治，王侯各擁強兵，熟視而無如

何，亦竟置之度外，豈不異哉？花旗人甘明者，嘗遊其

地，極言其山水之奇秀，風俗之淳古，惜乎遠在荒裔，

無由漸以禮樂車書之雅化耳。

海國圖志卷四十八

歐羅巴人原撰

侯官林則徐譯

大西洋 歐羅巴洲

邵陽魏源重輯

北土魯機國

源案此即古時額力西國職方外紀作厄勒祭者也與翁加國合成此國其南境在阿細亞洲內者曰南土魯機歐羅巴洲各國皆奉天主教其奉回教者惟此一國耳

土魯機種類甚多，原居韃韃里中央，牙薩底斯之東北

與阿爾特山附近，其人偉軀頰面，不似蒙古韃韃里人

之瘦小，先日非國，僅一游牧，回教耳。至耶穌千年，宋真宗咸

平三 糾集諸部頭目，攻服鄰國，由戈臘山而入巴社，奪得膏腴疆土，即在巴社立國，稱王曰塞爾牙國。旋渡歐富臘底斯河，攻額力西，並攻阿丹，所至無敵，遂在小阿細亞，又立國曰羅翁國。後又有都魯機之頭目，攻勝西里阿等國。是時阿細亞洲西邊諸國，咸屬于都魯機矣。恃其強悍，橫行侵并，天道好還，於是歐羅巴各國，與臘體訥國，同時興兵，奪其耶路薩陵、伊哥尼、吾兩部。維時蒙古可汗，亦由韃韃里而攻其後，奪取巴社，並滅塞爾牙之王。皆在千二百十三年後。宋甯宗嘉定六年，金宣宗貞祐元年，嗣是

國中無數頭目，各轄一方，而總轄于巴社之蒙古王。此元

代征取西域盡建藩封之時也千二百九十九年。元成宗大德三年有荷多曼

者，少為海盜，後為西底阿頭目，威服鄰部，自立為王，遂為荷多曼國。其子荷占嗣位，旋奪得普魯薩為國都，千

四百五十三年。明景泰四年麻荷彌王，又奪得額力西、觀斯

頓、丁羅布爾二地，又攻擊伊揖麻、馬里阿丹諸國，并格利彌阿之地，無不歸附。威震歐羅巴洲，後又屢破寒牙

里威引那諸國，諸國連兵拒敵，喪師而返，復攻濱海羅尼士西普魯及額力西各海島，阻于石礁，不能進。千七

百年康熙三十九年漸衰千八百年間嘉慶五年國王沉湎酒色所屬之巴札各據一方其先日所取歐羅巴洲內各部落均起兵盡逐土魯機人出境俄羅斯亦出大兵攻擊土魯機屢戰屢敗失去富庶數部落從此不能復振伊揖之巴札原土魯機舊藩此時皆不受其統轄巴札之兵幾滅土魯機卒割西里阿巴里達兩地始講解罷兵政事與歐羅巴各國不同權操自上令出惟行弗惟反國王謂之額蘭西尼阿西尼阿者神影也以爲奉神命而來治國國人懷前王荷多曼之德故後世雖經變亂被

弑仍立其後裔王爲本國回教之主無敢訾議

與西城聞見錄

所述塞克國同其設官有曰額蘭威薩者巡察城內貨物真偽

額設六員由巴渣官遷轉有曰加尼阿斯加者校閱官軍曰利依斯分尼者管理內外事務曰特付那依分尼者總理國庫曰直里彌依分尼者總管水師官軍曰巴札者管領官兵曰磨爾那者管理回教事務兼掌教讀書館曰麻富底者掌理律例爲國中尊貴之人王前佩劍儀制與王畧有少間王見額蘭威薩趨迎三步接見麻富底趨迎七步制度法令悉由參定作奸犯科向無

海國圖志 卷四十一
三
斬罪，增用椎釘地置死之條，未嘗施用，如有犯者，不過廢棄而已。曰玉里麻者，專司案牘，由麻富底考試呈名，以聽王定奪，審判案件，多有賄屬，宮中姬妾數百，多由巴札各屬國競獻，希恩，王無聘娶之禮，以至尊無人敵體，唯于羣美中擇立正妃一，庶妾七，餘皆婢媵，如正妻廢棄，卽遷入舊宮，別立一人，王如薨逝，嗣王卽將前王妻妾統禁宮中，有白奄人守外門，黑奄人供內役，因其醜黑，可無防閑也。國中貴官，燕居深廈，常有人侍立，其侍立之人，皆取機密不泄者爲其心腹，圖充役者，多僞

作樸實，以矮小聾啞爲上，國庫存貯總數，秘莫能知，征稅賦，支兵餉，每年約計三百九十萬棒，兵有兩種，一曰多亨那格里兵，乃當日荷多曼王精選壯士入伍，人給田三百餘畝，遂爲定制，二曰加畢居里兵，則隨時考校入伍，孟夏孟冬大閱，昔日隊伍爲歐羅巴各國之最近，日遠不如舊，而騎兵輕捷，尙精戰鬥，保守礮臺，心力甚堅，國中遇有警急，招民爲兵，未嘗規避，惟行陣無紀律，所至虜掠，戰則一鼓作氣，長驅衝敵，衰則如鳥獸散，不知有節制也，服飾風俗，頗似東方，寬衣闊袖，與歐羅巴

海國圖志 卷四十八
窄服相反入戶以去屨在外爲禮飲食箕坐以手取食
女處深閨與男子不接見不通問內外甚嚴其人似勇
實怯似良實狠似捷實惰似莊肅實淫佚似慷慨實吝
齋國中咸遵回教以國王爲教主自誇其教之奧妙爲
別教所無嚴酒禁喜施捨樂修館廨以居行旅吸食鴉
片信符咒邪術咒所禁者犯則處死文學淺拙奪得額
里西時致額力西之文學幾至毀滅嗣有荷占王頗好
文學于普魯薩部落大書館文人謂之馬特勒西圖所
賜甚厚欲其久處肄業以博玉里麻官職馬特勒西圖

文人有十等年至四十歲方得上等然其所學皆章句
辨論不知格物窮理反嗤他國所造千里鏡顯微鏡量
天尺自鳴鐘謂是小技淫巧其天文不識歐羅巴之歷
算而信陰陽家之選擇非吉日不敢行事其房屋繪畫
音樂等技皆無巧妙惟俗尙孝弟其父母身後遺產惟
子弟得有之外人無預婚姻先議奩贈多寡嗣議位置
妾媵幾人庶出如嫡若不生育卽結髮之妻亦許休棄
皆與歐羅巴相反其土人有三類額力西人由斯人三
角帽人而額力西居其過半由斯人卽不見重所至受

人欺凌皆以燒麵爲業乃他人所不屑爲之小販三角帽人伶俐儉樸多在本國貿易不甚外出也額力西人較靈巧有口辯善交易貨無貳價指天爲誓衣服尙長以冠別貴賤自官府以至技藝人等冠各有定制飲食甚儉無非菜蔬橄欖糖菓而已酒是回教所禁而國王與貴人多好之餘皆不飲各以鴉片代酒食煙者眾每不及四十歲土產地氈羊皮黃蠟蜜糖鴉片棉花絲髮洋布銅河道紛歧在羅彌里阿首部落內有河九馬列沙河自大山發源匯多尼箬河野機尼河阿達河合流

南行出地中海哇達河匯特沙那河合流出海如斯特多馬河彌士多河奄治加那斯河均南注於海在摩爾達威阿部落有河四溫都河西列河密士特列河均自大山發源勃律河通奧地里加國四流匯合同歸孛那彌河經麻爾牙里阿而出黑海在哇臘赤阿有河八斯載爾河自歐塞特里阿發源阿魯達河自大山發源與荷爾特斯河底流門河阿日士河單摩威沙河惹林尼沙河磨首河諸水交匯由那彌河注黑海在麻爾牙黑阿部落有河七那彌河通奧地里加阿底莫河額力甘

海國圖志 卷四十一
芷河、贊特臘河、珂斯馬河、依斯加河、多斯河，均歸那彌河。與諸水匯流出黑海。在威沙阿部落有河三，依麻河、摩爾牙里奄河，均歸摩臘洼河，匯入那彌河入地中海。在格羅底阿部落有河四，沙威河、通奧地里加國，與哇麻士河、摩士那河、雷那河，三水匯歸那彌河，出地中海。在阿爾麻尼阿部落有河三，特領河、斯甘彌河、窩卒沙河，獨流出地中海。在額力西部落有河四，馬威荷河、沙林墨里河、阿斯勃羅波達河、希那達河，除馬威荷河之水入湖外，餘俱分注地中海。

都魯機國在歐羅巴洲各部落，黑海通連大海，東西南北界意大里。管總部落十，大部落四十有六，小部落二百四十有八，大小島三十有四。

羅彌里，東界海，南界海，及額力西，西界阿爾麻尼，北界沙威阿摩士尼。領大部落八，小部落七十有五。

摩爾達威，東界黑海，西界奧地里加，南界注臘治麻爾牙里，東北界俄羅斯。領大部落四，小部落三十有二。

洼臘治，東南界麻爾牙里之那彌河，西界沙威阿，北界摩爾達威，西北界奧地里加。領大部落三，小部落二十有七。

麻爾牙里東界黑海西界沙威南界羅彌里阿北界摩爾達威之那彌河領大部落九

小部落二十有九

沙部阿東界麻爾牙里西界摩士尼南界羅彌里北界奧地里加領大部落二小部

落二十有四

摩士尼東界沙威阿西界格羅底南界哈西俄威那阿爾麻尼北界奧地里加領大部落

一、小部落十有二

格羅底東界摩士尼西界意大里亞南界哈西俄威那北界奧地里加領大部落二小

部落五

哈西俄威那東界阿爾麻尼西界意大里亞南界海及意大里亞北界摩士尼格羅底領大

部落一、小部落八

阿爾麻尼東界羅彌里西南界海北界沙威阿摩士尼領大部落六、小部落

二十有一

額力西東界海西界阿爾麻尼南界海北界羅彌里領大部落十三、小部落

十六

千地阿島在額力西之南少東領大部落二、小部落五

北土魯機國沿革原無今補

職方外紀厄勒祭即額力西三字譯音之轉在歐羅巴極南地分四

道經度三十四至四十三緯度四十四至五十五其聲

海國圖志卷四十八
名天下傳聞凡禮樂法度文字典籍皆爲西土之宗至
今古經尙循其文字所出聖賢及博物窮理者後先接
踵今爲回回擾亂漸不如前其人喜啖水族不嘗肉味
亦嗜美酒東北有羅馬泥亞國其都城周裏三層生齒
極眾城外居民綿亘二百五十里有一聖女殿門開三
百六十以象周天鄰近有高山名阿零薄其山頂終歲
清明絕無風雨古時國王登山燎祀其灰至明年不動
如故有河水一名亞施亞白羊飲之卽變黑一名亞馬
諾黑羊飲之卽變白有二島一爲厄歐白亞海潮一日

七次昔名士亞里斯多徧窮物理惟此潮不得其故遂
赴水死其諺云亞里斯多欲得此潮此潮反得亞里斯
多一爲哥而府圍六百里出酒與油蜜極美遍島皆橘
柚香櫞之屬更無別樹天氣清和野鳥不至其地

又曰翁加里在波羅尼之南物產極豐牛羊可供歐羅
巴一州之用有四水甚奇其一從地中噴出卽凝爲石
其一冬月常流至夏反合爲冰其一以鐵投之便如泥
再鎔又成精銅其一水色沉綠凍則便成綠石永不化
矣案翁加里今并入北
都魯機故附諸後

海錄

都律切

古國在布路牙呂宋佛朗機之後

案此都魯機國

也祓即都魯二字之雙聲疆域大而奉回教是其明在證云在呂宋佛朗機之後者言方向大槩非必接壤在

伊宣各國之北疆域極大本回回種類人民強盛穿大

袖衣裹頭服皮服不與諸國相往來西洋人謂之仍跋

喇多者猶華人言大國也唯稱中華及祓古為然西洋稱大

國者惟中華及俄羅斯海錄中無俄羅斯者專述海船貿易之國也土魯機兼跨歐羅巴阿細亞二洲之境故

亦云大國

萬國地里全圖集曰土耳其國一作都魯機其地南接

希臘國與羣島之海北連俄羅斯奧地利亞等國東及

黑海馬摩刺海灣羣島海至海外西至亞地亞海隅西

北至奧地利亞國北極出地自四十度至四十六度偏

東自十三度至三十度廣袤方圓三十萬方里居民八

百萬丁北方之高嶺為土爾其交界其多惱河為北疆

其平地不廣遍處山嶺沿海灣口甚多北由君士但海

峽與黑海相連南由他他尼里與希羣島海交流產棉

花煙葡萄南菓羊毛羌花等貨其國古時列分其居民

族類各殊至於土耳其為地主者自新疆搬移亞齊亞

西方奉回教與蒙古族交戰敗自避山穴招各盜賊

據地其頭目號曰阿多曼廢國主而自立新國時元成
宗元貞五年也按此元代回回被蒙古軍驅逐自蔥嶺
以東竄往蔥嶺以西也新疆乃本朝之
名元代則名別什巴里此
譯者以今名稱古地也其後裔專務攻擊隣國強之
入回教於順帝至元年間土耳其王督兵渡海峽至歐
羅巴地勝敗不常兩主繼亡巴牙屑王連戰皆勝於是
蒙古大王侵國巴牙屑王戰敗被虜驕行漸滅其子孫
如祖復勇猛爭戰於明朝景泰三年攻取希臘之都迄
今爲土耳其之國都也連五十年得隴望蜀攻擊四方
伏尸遍野自嘉靖年以後王耽逸樂臣下弄權值我羅

斯國勃興之際肇衅相攻我羅斯百攻百勝土耳其水
陸戰敗倘非列西國勸阻之土耳其國則已傾覆然佛
蘭西國恒救其危道光元年希臘畔之土耳其力戰終
不能勝希臘遂自創立新國矣六年後土耳其再與我
羅斯死戰不勝納銀千萬員又割交界各地以講和道
光二十年英國助土耳其幾王強服敘利地但其國基已
廢傾倒在旦夕其妻妾奴共計六百口擇一位爲其寵
妃初生子者爲王后殿內白黑閹官中多黠慧便嬖用
事兵共十萬全國分二十八部各部總領每弄權腋下

海國圖志 卷四十八
民及其有罪，資業被籍入官，以充國帑。每年各稅餉銀
千萬員，欠項銀四千萬員，步兵九十四萬，丁騎兵一十
二萬四千丁，大戰艦八隻，師船二十四隻。今述土爾其
各部如左。

路默利部在東南方，居民大半土爾其人，好逸惡勞，惟
勇攻戰，節食禁酒，終日吸鴉片，飲珈琲，衣服甚美，以帕
包頭，幘纒，以吸煙之故，有縮面瘦形，貌猥衰，堅執回教，
藐視他人，尊貴者隨意娶妻妾，其國都君士但城，在馬
灣邊，乃羅馬君士但丁汗，于東晉年間所建，海港廣便。

各國商船所集，內有王宮，其廣如城，其回回大殿，卽昔
耶穌門生之堂，山水美景環之，亞得安城，周圍十五里，
內有古殿，加利城，在羅馬海灣，居民萬七千丁，經商貿
易。○路北不牙部，居民奉希臘教門，風俗話音，與峩羅
斯相近，其民安業勤勞，會城居民五萬，由陸路通商，順
刺城池堅固，擊退峩羅斯軍，在此山隘，多惱河濱，築城
設堡防備。○路西北布尼城，地多山嶺，出鐵，其中二分
奉希臘教門，怨恨土官，往往起亂。○息味部，向西北，居
民奉希臘教，不服回回管轄，並力攻拒，國王強操政令。

海國圖志 卷四十八
三
省會別甲邑城池堅固，屢被敵伐，守禦不陷。○亞刺萬部在海邊，地方崎嶇，居民射獵好鬪，天下精兵也。會城曰藥翰尼那，昔其總領逆國主，連年守禦，居民三萬五千丁，土民猛毅剛直。○黑坐義小部，遍路巉巖，民居山谷，顛陋勇猛。○瓦拉基地長一千零八十里，闊四百五十里，居民九十七萬丁，地平坦，河濱沈茫，田宜麥，野多羣畜，土民崇拜救主耶穌，惟官吏橫征私派，民皆忍受。其都布加力，居民八萬丁。○東北末大味地，廣袤方圓五萬一千方里，居民五千萬丁，西方多山嶺，產五穀，南

菓葡萄、煙蜜、蠟、硝、鹽、馬、牛、豕，每年售馬萬計，恒時被虜。主壓服，亦蒙峩羅斯護卹，以避土王之勒索。其都城曰牙西，在羣島中，據于地亞洲，周圍千五百里，地海濱豐，畝其橄欖、菓成好油，居民好自專制，土耳其二十三年強擊而不能服之。大半崇希臘教門，其島山水最美，居民萬五千丁，島之海口漸以沙淤，阻船進口。

地球圖說 土耳其國東界黑海，南界地中海，并希臘國，西界亞得利亞海，并阿士氏拉國，北界塞地里加，及峩羅斯國，百姓約七百萬之數，都城曰君士旦丁，內民六

十萬述耶穌教天主教回教希臘教其民首不戴帽以帕圍之身穿長袍席地坐飲食不用匙箸以手搏之尚信守約土膏衍沃栽種不勞故其民怠惰好戰獵吸雅片國王獨攬政權臣下無言責民風男尊女賤一男可娶數女有大江名拖奴俾中有高山曰喜麥產繇花烟葉架非葡萄南果羊毛羌花雅片蜜蠟硝鹽鐵馬牛羊豕橄欖油

地里備考曰土耳其國分三州一在歐羅巴州一在亞細亞州一在亞非里加州地土廣闊烟戶繁滋

土耳其亞國在歐羅巴州之南者北極出地三十六度二十分起至四十八度二十分止經線自東十三度起至二十七度三十分止東至厄羅斯國暨黑海西連奧斯的里國南枕地中海暨額力西國北接厄羅斯奧斯的里二國長約二千五百里寬約二千里地面積方二十五萬里烟戶九兆口地勢南方則山嶽巖參崖絡繹不絕北方則平原坦闊湖河紛歧河至長者九湖至大者十田土最腴穀果極豐南方所產草卉移植本國靡弗適宜林木稠密藥草備具爲歐羅巴州各國之最產

海國圖志 卷四十八
銅鐵錫鉛礬礪紋石等物地氣溫和惟汗穢觸犯人多
疾病在昔汗位歷代相傳于今分爲四國或汗或王稱
謂各異教奉科馬爾回教別教需損資方不禁止技藝
平庸除都會外匠肆不多所造僅敷所需貿易興隆惟
官長掣肘庶民荒棄是以國內生理皆外客經營本國
昔屬羅馬國迨羅馬國西遷後夷狄侵擾元成宗年間
有非里日亞酋長侵奪額力西國之布魯薩地僭稱爲
王號曰科多馬諾國傳至其子開闢疆土越六十一載
其孫默拉德者嗣位攻陷安多黎諾伯勒城而建都焉

其子又拒退佛蘭西亞里曼二國來侵之師厥後蒙古
人侵犯亞細亞州各地本國之君巴耶西德者前赴救
之爲蒙古王達美爾蘭所擒獲傳至摩拉多者占據英
吉利國屬地甚多破翁給里亞國之兵迨其子馬何美
德王攻克的諾伯拉城遷都其地此後歷代嗣君與歐
羅巴各國交兵康熙二十二年本國始衰師多敗北乾
隆五十四年傳至塞黎慕王喪地于厄羅斯國復失厄
日度于佛蘭西國三年後始再克復嘉慶十二年國人
變亂兩次廢立又立馬科美德王卽現在之君也通國

海國圖志 卷四十一
昔分七部今改四國一土耳其又名科多馬諾一塞爾維一襪拉幾一摩爾達維其塞爾維等三國皆自立爲國不歸土耳其統轄但每歲納貢于其國以存舊屬之誼

其一科多馬諾國東枕黑海西南至地中海暨奧斯里的國地面積方約十五萬三千里烟戶七兆口君位世襲國分四大部一曰羅美里首都曰伯拉乃本國都也建于官士丹的諾伯拉峽在黑海與馬爾馬拉海之間從外而觀則樓臺疊起景色美麗自內視之屋宇樸素

街衢曲隘然學醫各院書庫浴室靡弗備具市廛林立商賈雲集惟路途汗穢瘟疫流行一名波斯尼亞一名西里斯的黎亞一名曰薩壹爾

其二塞爾維亞國東至襪拉幾亞國西連科多馬諾國南接羅美里部北界奧斯里的國長約七百里寬約三百五十里地面積方二萬二千五百里烟戶三億八萬口侯爵世襲通國分爲十七府建都于日索襪達奴比約兩河交匯之處

其三襪拉幾國東南二方皆在達奴比約河西連塞爾

維翁給里二國北接摩爾達維國暨奧斯的里國長約
一千里寬約五百五十里地面積方三萬一千一百二
十里烟戶七億九萬口侯爵世襲通國分爲十八部建
都于冬波維宜的薩河岸

其四摩爾達維國東至厄羅斯國西連奧斯的里國南
接達奴比約河暨襍拉幾國北界厄羅斯奧斯的里二
國長約七百五十里寬約四百里地面積方二萬一千
四百五十里烟戶四億五萬口侯爵世襲通國分十三
部建都于高阜之上其通商衝繁之地或瀕海邊或在

腹內

外國史略曰歐羅巴各國惟土耳其基國最廣居民聰明
聚集如雲羅馬人降其地數百年後其舊君之裔復立
國焉。○唐時中國西界有土耳其基族望西迤邐初與西
域民戰自唐順宗後漸進回教據印度西方猶太之地
南宋以後歐羅巴各國以其占聖墓地合軍攻退之後
蒙古游牧又攻之走匿山內元武宗至大年間有夷目
曰阿士曼招各山賊恢復全地再立土耳其基族於亞悉
亞之西所虜之人悉斷其勢皮爲回回以入陣死亡千

海國圖志 卷四十八
萬更招他族少壯者爲兵。○明初在歐羅巴希臘地立國，聞北地構亂，欲侵取各國，盡絕耶穌教，立回教。於明建文帝六年，連敗歐羅巴各國之軍，所虜者幾萬人。後益務侵歐羅巴地，於明英宗正統四年再戰，數載，歐羅巴人敗績。自後土耳其勢日浩大，於嘉靖二十九年，摩含默號第二王卽位，欲稱雄蓋世，甫立，卽募水陸軍攻據希臘之都。越五十年，土耳其攻伐四方，據其地，又伐意大里國。嘉靖七年，圍東國之都，日耳曼各君皆畏其勢，其地中海水師任意駛駕，惟登陸攻城，每不克而退。

二百五十年內，閱十三君，皆知好武廣地，但國無法度，後始設教師，布律法以治其民。其君惟聽命于臣妾，歿後繼子，盡殺其兄弟，各部兵帥，濫索居民，遂屢叛。君屢被廢，越三百年，歐羅巴各國日強，而土爾其國尙與東國結讐，戰爭不息。於康熙二十一年，東國合力鏖戰，大勝，盡復前所失地。於時峩羅斯乘勢攻土耳其，取其地。凡在黑海邊之國，皆一一歸峩羅斯，同天主教門之國，俱叛之。土耳其軍，又駛渡攻麥西國，與英人交戰。道光元年，所屬希臘民亦叛焉。於是英吉利佛蘭西峩羅斯

海國圖志卷四十一
三國皆集師以攻土耳其國盡殄其水師餘眾遂奔希臘希臘人助以兵卒復創立其國其軍伍訓練悉遵西洋法度君頗聰明勤政外國皆稱頌焉

土耳其本列國也居民各異在歐羅巴廣袤方圓九千五百二十里居民千五百五十萬在亞西亞三萬四千七百五十里居民千二百五十萬在亞非利加方圓三萬八千四百三十里居民五百五十萬○在歐羅巴之地有三所名爲土耳其之屬其實服事我國一摩道廣袤方圓八百零三里居民四十五萬居東國峩羅斯之

間南連土耳其北極出自四十五至四十八度三十分多惱河並他匿得等河皆經流此地多牧場所畜蕃盛亦出蜜蠟其居民未向化風俗不醕皆因希臘以崇天主教雖務農鮮製造有螞蚱屢茹其田五爵恣其勒索故民最貧乏務通商其君受土耳其之敕命然卽位必先由峩國議准方能管其地是以峩國之勢益大○一瓦拉基在摩道之南其西南兩邊與土耳其交界西北與東國相連北極出自四十三度四十分至四十五度三十分廣袤方圓千二百九十七里居民九十五萬多

海國圖志 卷四十八
三
惱河亦通此地，豐五穀，居民怠惰，無所經營，多缺乏。其君俯聽峩國之命。○悉比焉部，北極出四十二度，及四十四度五十分，廣袤方圓五百六十里，居民九十萬，北至東國土耳其國，三方環山，多礦，但民不知掘產五穀，多葡萄，其居民善養牲畜，無五爵，惟有農夫、匠、教師三品，各任貿易，不服外國。於明英宗天順年，悉比邑與回回戰敗，越四百年，民苦酷政，故生異心。於嘉慶五年，眾民嘯起，攻擊酷主，因與國人盟，今所立之君甚聰明，招鄉紳會集議論，各國稱頌，歲貢于土耳其，募兵萬二千。

以防禦。○多惱河南邊，多建固城，其中最要者，係百牙拉，卽土耳其軍所守者。○外有新立之國，曰峩拉或黑山，廣袤方圓六十五里，居民十萬七千，在阿得利亞海邊，土耳其終不能強服，居民自選頭目，恣爲海盜，亦販賣牲畜，崇希臘之天主教，布尼焉部分上下在東國南，及亞得利亞海隅，廣袤方圓千零六十三里，居民八十五萬，崇希臘天主教者三分之二，餘爲回回，多山林，出南果、葡萄、牲畜，造刀劍最精，都會曰撒拉約，居民六萬，所寓悉茅舍。○布牙里，係廣地，東及黑海，北連瓦拉基。

廣袤方圓千七百四十里，居民百八十萬，東方平坦，出牛羊五穀，葡萄、鐵、鋼、蜜糖，居民所崇之教，與前不異。其都曰所非亞，北方有堅城，四面環之。○亞巴尼部，在亞得利亞海邊，廣袤方圓七百里，居民三十萬，語音各異。崇希臘之教，屢次叛逆，海邊多支港，海賊所叢入。○土耳其，最要之部，曰路米里，廣袤方圓四千四百里，居民六百八十萬，多山，磬腴田，君士且，居民六十五萬，本古城也，山水若仙界，昔所立天主禮拜堂，甚宏麗，今爲回回會處，其城在七山下，有海峽，其街狹，宮殿大而不美。

海港極廣，多風無巨浪，亞得利亞邑，居民十萬，牙利邑在海峽，居民八萬，撒羅尼，居民七萬，大半崇回教，惟希臘人能勤，土耳其人則惰。羣島之最大者，曰干地亞，廣袤方圓八十八里，居民二十七萬，周朝時極旺，相居民百二十萬，久服希臘國，後意大利威尼得據之，此康熙四年也，山水甚美，山峯高七百二十丈，地豐盛，居民萬二千，畏土耳其之酷，不敢墾作，其城與島同名，居民萬二千，道光年間，土耳其虜掠百姓，戮者不勝數，其他島雖小，各出橄欖、油、葡萄等物，多水師，爲海賊所懼，古

時此島各自爲國，土耳其過其勢，歸回教，中亦多商，在各港貿易，希臘之族，尤狡獪善騙。

土耳其君操全權，昔有嗣君畏兄弟分權，盡殺之，其政悉按回回法，立輔政大臣四員，又立教師以辦法律，及教門各事，其大臣統攝文武三軍，兼理國事，各部設頭目，經理百姓，每自恃富強，擅權與國主戰，故多作亂，峇羅斯及他國爭來攻之，幸歐羅巴各國爲之防禦，得免民分三品，一曰回回族，最尊貴，二曰徭事，是崇希臘等教之門人，亦同納賦，三曰奴婢，卽由外國所販賣，及本

地所養者，其國之兵二十七萬，歲入國帑銀二千五百

萬圓，有大戰艦火輪船，水手多係希臘人。

瀛環志略曰：土耳其三方，古大秦東境，卽意大利爲西

域，自古著名地，東方劫闢最早，巴庇倫建國於前，西里

亞代興於後，猶太一作如大，又作如氏亞，又作如德亞，又作儒德亞。卽唐書所

謂拂菻國，以色列之族，由此興焉，其國自夏商歷漢季

傳世最久，令辟賢王，後先輝映，西土爲希臘開基之地，

君士但丁則羅馬東都，比於雒邑，泰西遠隔神州，禮樂

車書之化，無由漸被，而在彼土言之，則此數千里者，固

海國圖志 卷四十八
商周之耿毫幽岐聲名文物之所萃也土耳其本回部
賤族竄身買諾遺種繁滋遭時衰亂揭竿而起恃其兵
力蠶食東西遂使名城墮毀典業散亡文獻無徵風流
歇絕三方之民就俎醢之地而困羶汗之俗者數百年
於茲觀泰西人所著書西土之困於苛政也尤甚勝廣
之徒時時攘臂而彼昏不知猶晏然爲羊車之游亡可
翹足而待矣

泰西諸國跨亞細亞歐羅巴兩土者惟俄羅斯與土耳
其土耳其疆域之大不及峩羅而擅膏腴之壤據形便

之地百年來無止戈之日七椿園訛爲控噶爾又以千
餘年前一統之羅馬移之土耳其又稱峩羅斯本其屬
國控噶爾用東西迭駕之法峩羅斯大困增貢乞和乃
免此出烏巴錫詛咒之言而聞見錄信之誤矣兩國黑
海亘隔風馬牛本不相及自峩羅斯開高加索部詳峩
羅斯
圖說而與土之東壤接又開波蘭諸部而與土之西境毘
連其初構兵在乾隆中年維時峩羅斯勃焉方興戰攻
甚銳土耳其衰機甫兆兵力猶強勝敗之數大略相當
後則南風不競割講頻仍近年內訌四起危如累卵然

海國圖志卷之四十九
究未為峩所兼并者，則由英佛護持而排解之也。歐羅巴人最惡回教，土耳其之昏虐，又諸國所鄙夷。英佛於土非有所愛，特以峩羅斯北地荒寒，不長水戰，故僅能比肩英佛，未足定霸一方。若土耳其為所兼并，則地兼三海。波羅的海、黑海、地中海。於歐羅巴已扼吭而拊其背，諸國其能晏然已乎。

海國圖志卷之四十九

郡陽魏源重輯

希臘國 即古時額力西國，職方外紀作厄勒祭者也。昔為都魯機所據，今仍自為一國。原本無，今補。

萬國地里全圖集曰：希臘國者，土耳其鄰國也。東南西三方至羣島海，北接土耳其國，為半土。北極出地三十六至四十二度，長一千二百里，闊三百里，廣袤十萬一千方里，居民百九十二萬。年運出一千有二百萬員，產絲、花、南、菓、羊毛、乾、葡萄、菓、橄欖、油、五穀、烟。天氣和暖，嶺

險峽邃古時希臘民藝術超眾博學通達工師營築廟殿及今尚傳古蹟其匠刻象如活人其畫工畫山水林泉摹寫傳神周敬王十九年白西國王率軍兵立寨數里旗鼓遍野師船滿海水陸並攻當時希臘之民効死力戰擊退敵兵以後國人益豪志吞鄰國有馬其屯王傾國往攻皆爲白西王所敗侵至印度國王病殞帥臣分其國地各自爲王緣此希臘文字語音廣布各地故希臘人教化天下不論至何處皆有其文藝其詩書列西國人無及之者也東漢年間羅馬王強服四方亦攻

勝希臘列國歸入版圖國人失其壯志自後乃變其戰法以蠻類攻擊羅馬西地及東西羅馬相分之際其東帝恒駐於邊希臘始仍自爲國不受意大里節制救世主降世五十年後希臘民奉其教棄絕神佛惟拜獨一真主閱三百年執正教此後加特力教異端迷世希臘見誘惑陷如是救世主道理漸衰存其名而離其實既而回回始興志吞希臘國希臘連年拒敵再奪再失其嗣王復多喪德雖列西國合軍攻擊回回以據猶太國亦不能守地而退及土耳其族興時其回回如虎而翼

復力侵希臘國，強取其地。明景泰三年，土耳其國來攻，重城長壑，希臘民若釜中魚，國民四散。三百七十年，受侵不已，民不能堪。於道光二年，憤起，呼土爾其列西國，憫其雄氣，各出精兵助之。土耳其王不得已，退軍封希臘，使自主。近日偃武息爭矣。庶民好華冠服，倣土耳其族，女梳其髮爲巧髻，身蓋薄徹綿帕，男女悅歌喜樂，沿海港口甚多，土民好航海貿易，商賈巧而無信。國都曰鴉典，宮殿古蹟，爲萬世建宇之格式。古時眾士聚其城中，辯道論理，耶穌之門生保羅至其邑傳道，其神廟皆傾。

倒，尙存古蹟而已。其所轄之部，一曰那破里，海口通商，居民萬五千丁，得波勅撒城堅固，土爾其兵攻破之，多所殺戮。希臘民報其仇，再獲城後，虐殺土爾其之人，以暴易暴焉。一曰巴答城，乃其海口，街道蕪穢，墨所龍義城，被希臘族人固守之。帖撒羅尼加城，居民六萬丁，種繇及煙，勤勞度生，尙有羣島，中歸其國。版者希達嶼，雖礪勤農經商，故其居民四萬，飲食無乏。所有八摩海島，於東漢和帝永元七年，耶穌門弟約翰流於此島，上帝以天啟傳之。

又曰希臘國沿海所有海灣在東方曰君得撒曰羅尼加其南方曰尼鄂本多洲曰益義那曰那破里其西方曰爾加地曰勒頌多深入其地爲微地不成半土稱曰摩力亞其山中多游牧野夷希臘西邊又有倚阿尼等島居民共計十九萬丁所出橄欖油乾葡萄酒蜜南菓其島皆有土酋掌島政令與英國始戰終和通商多日地里備考曰希臘國一名厄肋西亞國卽額力西在歐羅巴州之南南界地中海東西枕海港北連土耳其國長約七百五十里寬約五百里地面積方約二萬零八

百三十里烟戶七億口本國地勢嶄巖參差絡繹不絕湖河眾多皆非甚巨島嶼灣峽迴環羅列田土膾腴菓豐登五金各礦昔具今乏地氣溫和王位歷代相傳奉額力西天主教餘教亦不禁止技藝不甚精

一曰惹尼亞海島在歐羅巴州南其國土在北極出地三十六度起至四十度止經線自東十九度三十分起至二十三度十分止在額力西國西南方除諸小島外其至大者惟七煙戶一億七萬六千戶山勢峻峭石阜間隔田土磽瘠穀果敷用地氣溫和不設君位民間自

立官長理事五載更易技藝庸常貿易甚盛本國昔屬白西里國管屬嘉慶三年爲佛蘭西國君那波良者克服迨與各國戰敗後各國公使齊集維耶納地方會議將本國另行建立以英吉利國永爲覆庇英國派官輔理凡有國務與英國派官互相酌議通國以七巨島分爲七部一名哥爾佛乃本國都也一巴說迴環六十里一三達卯拉地面積方約一百五十里一宜達架長六十里寬二十五里一塞發羅尼長一百五十里寬約五十里迴環五百五十里一三德長五十里寬三十里

地面積方一百八十里一塞黎各迴環一百八十里其國通商衝繁之地三處皆在海邊

地球圖說希臘國東南西三面都界地中海北界土耳其國其百姓約七十五萬之數都城曰雅典城內民二萬所述之教昔與耶穌教相似至今則大不同其都城昔亦美大後爲土耳其國入境毀城易俗今城尙修築未完政事與羣臣議敘不自專人性好航海貿易故其水手眼靈手敏然奢華悅歌唱女善梳髻而性端淑身蓋薄徹縣帕產葡萄酒橄欖油五穀蒿葉縣花南果羊

毛再西有七島總名以阿尼現歸英國保護
外國史略曰希臘國一名額力西其文字原由東方來
商太丁二年結羣相鬪圍古城陷之其國詩人能述其
事後各族類各立國相仇周夷王十六年士巴他國立
新例並教以武藝故其民善騎走以勇怯爲貴賤後至
周頃王十二年亞典國興立法律傳及後世此後立
志通商獨士巴他國用鐵錢以物交易不喜文學時西
國雄長海峽所有小亞悉亞等國皆納貢物希臘人不
服西國遂攻之希臘人因擊退白西人自此國勢大興

立水師官文學顯著萬民尊敬維時白西國王於周貞
定王十八年在海峽建橋以侵希臘國亞典人皆離其
本地登船以避敵又與士巴他等族在關隘峽死戰破
白西之軍走其國王希臘人於是自爲其主實賴亞典
人之力而亞典人又擅權增餉困民驅其王而自立新
王曰巴巴他親統大權與列西國屢世攻擊漢景帝十
年爲羅馬軍所降服自後歸羅馬國者五百餘年東晉
哀帝時羅馬國封爲東國所駐之都曰君士旦丁邑卽
土耳其君所居處令改希臘拜偶像之俗迨宋齊間有

海國圖志卷四十九
北方匈奴歲來侵掠屢和屢戰唐時有回回亞拉國侵
占東方卽土爾基也希臘國君死戰不能擊退驅希臘
之君而自卽位明孝宗十五年全地歸土耳其獨有數
島爲意大利威尼得國所據於明萬曆元年列島亦歸
土耳其希臘求援於同教門之俄羅斯乾隆間俄軍逼
迫土耳其破其戰艦道光六年英人與俄羅斯佛蘭西
等國水師焚其戰艦擇日耳曼之君以爲希臘王又皆
出財以佐其國帑又責土耳其勿再擾其界道光十三
年希臘人遂爲國如初

英吉利藩屬地之以雲羣島在希臘之西共有七島最
廣大者曰可賦島西法羅尼散地耳廣袤方圓四千七
百里居民十七萬五千口雖不出五穀尙能產繇花橄
欖油鹽魚南果等物民之貧者皆離本地出外圖生昔
此地有小國後歸羅馬嘉慶二年佛蘭西奪占此島英
人驅之於嘉慶十七年招該島之鄉紳會議國政且調
兵士四千守之其居民有志能學且勤工匠

外國史略曰希臘國微地耳北與土耳其國連東西北
三方及羣島之海廣袤方圓八百六十八里居民九十

海國圖志 卷四十九
三萬三千口其屬多小島遍地分二十四部在摩利亞
微地田地居十分之五山林川湖樹菜等圃各居十分
之一農夫約十萬所產五穀不足民用必運自外國別
出顏料葡萄橄欖油蠶絲細果海邊人善捕魚民喜通
商道光二十一年出入貨共值四千三百七十五萬二
千二百圓其商船三千一百九十七隻水手萬八千六
百名內多爲海賊海港甚多可避風島民頗向化如敘
刺島安多島米哥尼島希得拉島破羅島文墨狡獪其
都曰亞典居民二萬五千無大屋宇古多文藝在摩利

亞微地之會城曰得破勒撒居民二萬五千在海隅最
大之邑曰那波利山水甚美可巡遊多題詠焉其王孫
日耳曼人常召各郡貴人助理其地有七大臣攝內外
國務國之欠項三千五百員每年所入國帑約四百萬
員軍士共萬二千水師之舟三十四隻其貴人各相爭
鬪

按額力西國沿革別詳歐羅巴州總敘其希臘僅守
其都城一區之地故不以其全事載於此國猶意大
里沿革亦冠於歐羅巴總敘不以入今列國中反致

全州沿革無綱領也

瀛環志略曰泰西故事云上古之時歐羅巴草昧未闢

人獸雜處有虞氏之初小亞細亞兩河之間已見前有初

立國者曰巴庇倫一作巴必鸞又作巴必羅尼亞詳土耳其說夏后氏之初

阿非利加之北境有初立國者曰厄日多即麥西詳阿非利加說

後有諾威氏之裔曰日彎建國於亞細亞之買諾即土耳其

中其國人漸有渡海峽而西者即他大尼里海峽始知有額力

西廣土夏后少康二十六歲買諾人有伯辣斯日者始

立國於額力西之北境曰西西恩逾九十餘歲有厄日

多人遷於額力西名其地曰的丹立國未成眾思故土

散歸夏后孔甲二十一歲迦南人議納孤一作拮木抵額力

西之南境始鳩集人民教以營宮室種穀麥昏濛漸啟

商王外壬十二祀厄日多之灑的斯人灑哥落率其邑

人遷於雅典立國曰亞德納斯一作亞地拿始興技業立法

制辨倫類造文字額力西諸國聞風效慕荒陋之俗一

變商王沃甲十三祀亞德納斯王昂非的安嗣位是時

希臘分十二國時有詭爭昂非的安恐諸國之自相攻

則心力不齊無以捍大敵乃馳使十一國結為同盟立

海國圖志 卷四十一
公會於德爾摩比勒每國遣使二人歲二會申約結齊
好惡講求利弊又各出蓄積貯於德爾佛斯堂以備軍
儲每國以二人司之由是四鄰輯睦十二國如一國外
侮不生晏然康阜駕舟行地中海懋遷有無勢益富強
當是時十二國中惟亞德納斯與斯巴爾達一作士
帕大最
大諸小國制度皆效兩國所為亞德納斯王德修以商
王廩辛六祀嗣位時國人分三等曰爵紳曰百工曰農
民爵紳多專恣剝民工農貧乏國寢弱德修王患之乃
汰官司裁署舍抑損豪貴躬攬大權惠民招商遠方歸

之如市技業日精蓋藏日富遂為西國大都會子哥德
羅斯嗣守成法益加惠於工農由是爵紳無權而庶民
之勢重哥德羅斯卒庶民私議曰賢主不可再得傳之
貪殘民且重困乃揚言曰能以入必得爾為君者當聽
命入必德爾西國所奉宗祖之神也從此不立國王以
長官一人治事曰阿爾干以哥德羅斯子孫為之繼序
如王而權體稍殺越三百三十餘年周平王三
十六年國人又
以為不便定議阿爾干三年而更尋廢阿爾干立九官
以治事九官由眾推選以三年為秩滿賢則留否則更

然事權紛錯，奸宄日多，有達拉固者，以才學稱，眾公舉
修刑書，其性嚴刻，罪無大小，皆予殊死，時人號為血書
行之數十年，國人側足，周靈王年間，公舉梭倫，重定法
制，刪其苛刻，酌情罪，歸平允，國人大悅，復建議事廳一
法制司，一以資財之多寡，分齊民為四等，每等百人，有
興革，則集議於議事廳，法制司設品官，定員數，選才德
出眾者領之，發號令，定刑賞，皆由法制司，區畫精詳，輿
論翕然，方亞德納斯之廢王而立官也，德巴斯首效之，
諸小國亦紛紛效之，德巴斯者，舊本非尼亞人，詳阿非利

亞圖說 其王加達慕斯，於商王武丁年間，立國於額力西
者也，迨梭倫重定法制，諸國又效之，斯巴爾達自勤利
斯開國，傳四百餘年，至周成王十一年，有幽里寺德，那
斯伯羅刻黎斯者，兄弟也，同即王位，自是國有二王，同
朝治事，其制傳八百餘年，不改，西土傳為異事，至末造
之噶黎厄美尼斯，始改為一王，周夷王年間，其國有賢
主曰利古爾厄，重定法制，與梭倫之法大略相同，而兵
制尤為盡善，俗儉嗇，人壯武，嘗伐米西奈國，滅之，得其
膏腴之士，國勢益強，是時東方之波斯國方強，再滅巴

海國圖志 卷四十九
庇倫勢張甚，顧額力西諸國以外夷賤之，不加齒禮。會波斯有大將，本額力西人，波斯王厚遇之，擢其姪高班，其姪叛，附亞德納斯。亞德納斯有罪人義比亞斯，奔波斯復挑構之。周敬王二十九年，波斯王以舟師伐亞德納斯，乞和不許，於是額力西諸國合縱禦之。波斯破其大嶼，燔其城，亞德納斯大將率眾破波斯於馬拉多拉，奪其七船。波斯王達黎約慙憤死，子澤耳士立。一作捨爾時斯誓雪仇恥，以三萬人伐額力西，造長橋於他大尼里海峽，長二千丈，以渡軍。斯巴爾達扼險拒之，波斯軍敗走。

壞其船四百艘，亞德納斯以計誘其餘船入內港，圍而殲之。澤耳士王大怒，傾國三十萬眾，攻亞德納斯。亞德納斯棄城保於別嶼，波斯毀其城，諸國咸來助戰，爭先陷陣。波斯軍大潰，狼狽東走。澤耳士王乘漁舟遁，先是額力西諸國自昂非的安聯盟之後，同心協力，屢破大敵，至是爭取波斯遺財，頗有違言。亞德納斯城扼海口，操形勝，且聚商舶，擅利權。斯巴爾達素忌之，既為波斯所毀，亞德納斯人欲建復，而斯巴爾達阻撓之。由此兩國交惡，盟約解散，諸小國各有所附，日啟爭端。亞德納

斯之西有大洲曰西基利即西治里屬於加爾達額有亞基
庇亞底者生長此洲任俠好施素得眾心見亞德納斯
衰亂因募兵攻之破其水軍斯巴爾達與亞德納斯有
夙嫌乘亂以大兵圍其都城毀之亞德納斯遂為亞基
庇亞底所據由是額力西諸國互相攻日益衰亂已而
馬基頓興一作馬斯多尼亞馬基頓亦十二國之一在額力西
北方初甚微弱周顯王年間有王曰非黎卑雄武有權
略與額力西諸國交兵累戰皆克使客游說之皆納款
為屬國王欲伐波斯會中刺客死子亞勒散得一作阿勒山德

黎嗣位年二十一英略過人周顯王三十有五年以三

萬五千人伐波斯取小亞細亞即買諾敘里猶太諸內波斯望風

奔潰其王棄營走虜其妃后因移兵巡行海上攻破加

爾達額之城都屠八千人並征服麥西即厄多墮其沿海

各城所向披靡游兵至五印度皆納款列東藩波斯王

悉起境內兵決死戰王擊破之圍其蘇撒都城會邁疾

旋師至巴庇倫卒於軍諸將各引所部據新辟之土自

王從此額力西族散布西土至漢初尚餘四國曰厄多

里亞曰亞加壓曰白阿西亞仍以馬基頓為長馬基頓

王非黎卑性強暴，凌侮屬國，三國患之。時羅馬征伐四方，兵力方強，三國密求援。羅馬命將以大兵入其希臘都城，因兵脅三國降。三國悔失計，求助於西里亞。一作敘里亞西里亞者，兼小亞細亞諸部，即土耳其東中兩土為東方大國。時阿非利加之加爾達額國，新敗于羅馬，亦赴西里亞求援。西里亞計四國亡，勢且及已，率輕兵救希臘。羅馬迎擊之，西里亞王大敗遁歸。羅馬兵踵至圍其都城，西里亞降。希臘四國聞之，皆納土降，地歸羅馬。時漢惠帝五年也。額力西諸國，建於夏商，至漢初乃亡。

凡歷一千數百年，古分十二國，乃今西土耳其全境。新希臘則雅典一部，古亞德納斯之南境也。其雅典都城最講文學，為泰西之冠。凡西國文士未游學於額力西，則以為未登大雅之堂也。

希臘新分十部，首部曰雅典。一作亞的架都城在海灣，曰亞

德納斯。自昔為聲名文物之地，今則市井寥落，景象蕭

條。○亞爾哥黎大一作拿破里城在海口，曰腦比里亞，通商

之大埔頭也。○亞加亞城在海口，曰巴達辣斯。一作巴答亦

通商埔頭，街衢汙穢，商旅惡之。○美塞尼亞。一作墨所龍義首

邑曰亞爾加的亞希之堅城土人屢攻之不能下。○亞

爾加的亞首邑曰的黎波里薩一作德破勒撒亦希堅城昔為

土耳其攻破屠三千人希人收復之後盡戮土人之居

守者。○拉哥尼亞海中大嶼也首邑曰迷斯達拉一作希達

居民六萬土饒瘠而農作甚勤兼務工商故恒足以自

給。○亞加爾拿尼亞一作爾加地首邑曰瓦拉說黎在西界

海灣。○羅哥黎大首邑曰薩羅大一作羅尼加居民六萬

勤苦力作產繇花烟。○曼卑亞西界一洲首邑曰哥羅

奔多一作尼鄂奔多昔加拉大首邑曰黑爾靡波利斯一作摩力

亞中有山嶺放流徒於此以此著名。○海灣甚多東方

曰君得撒曰撒羅尼加南方曰益義拿曰拿破里曰可

倫西方曰爾加地曰勒頗多。○希臘之西有羣島曰各

府曰散他曰藐刺曰地亞其曰客花羅尼曰息利峩曰

散地總名曰以阿尼島居民共計十九萬產橄欖油葡

萄乾酒蜜南果島各有渠掌政令屬於英吉利

爾和者曰委力斯曰矮西尼居腹地者曰薩漢曰埂底
伊尚有諸蠻俱居於彌特色斯舊皆茹血衣毳文身惟
脈士厄數種漸興農事創技藝制器械修兵車各蠻效
之旋被意大里國征服旋叛旋撫至耶穌紀歲百五十
年漢孝桓帝和平元年分英地為七部落曰景曰疏色司曰依
掩那司曰委屑司曰落滕馬蘭曰伊什曰麻可臘與鄰
部塞循各自治理八百年間唐德宗貞元十五年委屑司之伊末
遂并合七部為一國始名英吉利建都蘭頓從此不屬
意大里又二百年宋真宗咸平三年為領墨攻擊遂屬領墨其

後叛服不常公舉壹賀為王傳至顯利二代王先得愛
倫次得斯葛蘭顯利四代王即棄加特力教而尊波羅
特士教至顯利七代王娶依來西白刺為國郡案英夷稱其王
如曰始革世襲之職皆憑考取錄用開港通市曰漸富
庶遂為歐羅巴大國

職官

律好司衙門管理各衙門事務審理大訟額設羅歷爾
錄司四人阨治彌索司二人愛倫阨治彌索司一人錄
司二十一人馬詭色司十九人耳彌司百有九人委爾

高文司十八人、彌索司二十四人、愛倫彌索司三人、馬倫司百八十一人、斯葛蘭比阿司十六人、卽在斯葛蘭部屬選充、三年更易、愛倫比阿司二十八人、卽在愛倫部屬選充、統計四百二十六人、有事離任、許薦一人自代、凡律好司家人犯法、若非死罪、概免收禁、巴厘滿衙門額設甘彌底阿付撒布來士一人、專轄水陸兵丁、甘彌底阿付委士菴棉士一人、專司賦稅、凡遇國中有事、甘文好司至此會議、甘文好司理各部落之事、並赴巴厘滿衙門會議政事、

由英吉利議舉四百七十一名、內派管大部落者百四十三名、管小部落者三百二十四名、管教讀並各技藝館者四名、由委爾士議舉五十三名、內派管大部落者三十名、管小部落者二十三名、由愛倫議舉百有五名、內派管大部落者六十四名、管小部落者三十九名、管教讀並各技藝館者二名、統共六百五十八名、各由各部落議舉殷實老成者充之、遇國中有事、卽傳集部民至國都巴厘滿會議、嗣因各部民不能俱至、故每部落各舉一二紳耆、至國會議事、畢各回、後復議定公舉之

人常往甘文好司衙門辦事，國家亦給以薪水。布來勿岡色爾衙門掌理機密之事，供職者先立誓後治事。

加密列岡色爾衙門額設十二名，各有執事，曰法士律

阿付厘特利沙利管庫官，曰律古色拉管，曰律布

來阿付西爾管印官，曰不列士頓阿付岡色爾管，官

曰色吉力達厘士迭火厘火倫厘拔盟管，官，曰色吉

力達厘阿付士迭火哥羅尼士奄窩管，官，曰占色拉

阿付厘士支厥管，官，曰法士律阿付押彌拉爾底管

官 曰馬士達依尼羅付厘曷南士管，官，曰布力士

頓阿付離墨阿付觀特羅爾管，官，曰占色臘阿付離

律治阿付蘭加司達管，官

占色利衙門專管審理案件，額設律海占色臘一名，司

掌印判事之職，委士占色臘一名，司判事之職，馬士達

阿付離羅士十一名，司判事之職，每判事二人輪值，周

而復始，扼岡頓依尼拉爾，司理算法之職。

經士冕治衙官專司審理上控案件，額設知付質治一

名，布依士尼質治三名。

甘文布列衙門專審理職官爭控之案額設知付質治
溢士知加衙門專審理田土婚姻之案額設知付馬倫
一名布依士馬倫三名

阿西士菴尼西布來阿士衙門額設撒久六每撒久設
質治二名共十二名專司審訊英吉利人犯每年二次
依尼拉爾戈達些孫阿付厘比士衙門每年審訊各部
落人犯四次

舍臘達文衙門

此官職
掌原缺

悉衙門每年派馬落百人稽查各部落地方是否安靜

歸則具結一次

額設律占麻連官值宿宮衛馬士達阿付厘夥士專司
馬政色吉力達厘押窩專司收發文書特里舍厘阿付
利尼微管理水師船勃列士頓阿付厘墨阿付特列專
司貿易委士勃列士頓阿付厘墨阿付特列副理貿易
比馬士達阿付厘夥士專司支放錢糧陂率馬士達依
尼拉爾專司馳遞公文流底南依尼拉爾阿付厘曷南
士協理火礮法士甘靡孫拿阿付厘蘭利委奴管理田
土錢糧押多尼依尼拉爾即總兵官疏利西多依尼拉

爾卽副總兵官愛倫額設律流底南阿付愛倫一律占
色臘一甘曼那阿付厘賀些士一知付色吉力達厘一
委士土厘沙臘一押多尼依臘爾一疏利西達依尼臘
爾一皆駐劄愛倫

軍伍

額設水師戰艦百有五十甘彌孫百六十人管駕水師
戰艦水師兵九萬人水手二萬二千英吉利陸路兵八
萬一千二百七十一名阿悉亞洲內屬國兵丁萬有九
千七百二十名

此所述軍伍之數毫無誇張最可信蓋此書本夷字非翻成漢字者此也惟無

養兵餉數是爲疏漏之大者

政事

凡國王將嗣位則官民先集巴厘滿衙門會議必新王
背加特力教而尊波羅特士頓教始卽位國中有大事
王及官民俱至巴厘滿衙門公議乃行民卽甘文好大
事則三年始一會議設有用兵和戰之事雖國王裁奪
亦必由巴厘滿議允國王行事有失將承行之人交巴
厘滿議罰凡新改條例新設職官增減稅餉及行楮幣
皆王頒巴厘滿轉行甘文好司而分布之惟除授大臣

及刑官則權在國王各官承行之事得失勤怠每歲終會覈於巴厘滿而行其黜陟

王宮歲用

甘文好司歲輸銀二百五十五萬員凡有金銀礦所產金銀與贖罰銀俱供王宮支發稱國王曰京歲需銀三十萬員稱王妻曰郡歲需銀二十五萬員值宿官曰占麻連管馬官曰土底赫管家官曰麻司達阿好司歲需銀七十七萬員護衛官曰班侍阿勒爾歲需銀三十七萬五千員此外尚有津貼羅壓爾之官嗑士達之官唔

官里士曼等官歲需銀八十五萬員綜計每年王宮需銀五百九萬五千員

國用止述王宮而不及官祿兵餉全額殊不可解

雜記

蘭頓國都銀號一所因昔與佛蘭西戰虧欠商民本銀四十二萬四千一百四十一萬有奇息銀萬有六千九百二十七萬有奇書票付給分年支取河道先不通於各港嗣經疏濬阨蘭特冷河長九十里疏濬歷士河長百二十里又濬依爾力斯靡耶河阨蘭精孫河阨蘭王尼河四通八達舟由港口至各部落任其所之貿易大

便蘭頓建大書館一所，博物館一所，渥斯賀建大書館一所，內貯古書十二萬五千卷，在感彌利赤建書館一所，所有沙士比阿、彌爾頓、士達薩、特彌頓四人，工詩文，富著述，俗貪而悍，尚奢嗜酒，惟技藝靈巧，土產麥、豆、稻，不敷民食，仰資鄰國商販，千八百年，各國封港，外糧不至，本國竭力耕作，糧價始畧減，所產呢羽，皆不及佛蘭西，紡織器具，俱用水輪、火輪，亦或用馬，毋煩人力，國不產絲，均由他國采買。

英吉利國，在歐羅巴極西之地，四面皆海，南距佛蘭西，僅一海港，東近荷蘭羅汶，東臨大海，與士千里那威耶對峙，西抵蘭的，北抵北極洋，幅員五萬七千九百六十方里，戶口千四百一十八萬有奇，國東平蕪數百里，西則崇山峻嶺，大部落五十有三，小部落四百八十有五，彌特色司部，東界伊什，西界墨經舍，南界舍利，北界赫治。領小部落三，蘭頓國都，其首部也，都在甜河北岸，東西距八里，南北距五里，戶口百四十七萬四千有奇，兵四千四百名，產金、銀、時辰表、珍寶、波達酒。

落滕馬蘭部，東界海西南，皆界斯葛蘭，北界特爾舍。領小部落十有七。

良馬倫部 東界特爾含，西界海南，南界蘭加，北界斯葛蘭。 領小部落二十有

三產鉛

育社部 東界海，西界蘭加社，南界那彌，北界特爾含。 領小部落四十有三

產粗呢白礬白呢綿花地氈細呢

委士摩含部 東界育社，西北皆界良馬倫，南界蘭加社。 領小部落七

蘭加社部 東界育社，西界海，南界支社，北界委士摩蘭。 領小部落十有七

有蘭加士達礮臺一所產呢布鹽煤波達酒

支社部 東界那彌，西界佛凌，南界奈勒社，北界蘭加社。 領小部落七，有士頓

博礮臺一所土產鹽

那彌部 東界緬鼎含，西界士達賀，南界利達洗，北界育社。 領小部落七，土產

磁器鐵鉛煤

訥鼎含部 東界領戈吾社，西界那彌，南界利達洗，北界育社。 領小部落八

領戈吾社部 東界海，西界訥鼎含，南界感密利治，北界育社。 領小部落二十

二，土產呢長羊毛

勒倫部 東北皆界領戈吾社，西界斯達，南界落含社。 領小部落三

利洗達部 東界勒倫，西界注監，南界落爾頓，北界訥鼎含。 領小部落六，產氈

襪

斯達賀部 東界那彌，西界奈勒社，南界窩洗斯達，北界支社。 領小部落七，產

煤鐵鹽

奈勒社部 東界斯達賀 西界悶俄脈 領小部落九 產

橡木

佛凌部 東界支社 西界領糜 領小部落二

領彌部 東界佛凌 西界格那完 領小部落五

格那完部 東界領彌 西界敖額里 領小部落四

敖厄里西島部 南界格那完 東 領小部落四 產銅

麻里垣匿社部 東界悶俄脈里 西界海南 領小部落

四、

悶俄墨里部 東界奈勒社 西界麻里垣匿 領小部落

三、

加爾裡部 東界墨力諾 南界格爾馬廷 領小部落三

產鉛

拉落社部 東界希里賀 西界加里凝 南 領小部落四

希里賀部 東界窩洗士達 西界墨力諾 領小部落五

洼洗士達部 東界注隘 南界俄羅洗士達 領小部落

五、產磁器細呢

窩隘部 東界落爾含 西界窩洗士達 領小部落七 產

銅扣鍼

羅斯含頓部 東界韓鼎倫 西界洼隘 南界墨經含 北界利洗達 領小部落五

韓鼎倫部 東界戈密力治 西北皆界落含頓 南界脈賀 領小部落二

感密力治部 東界薩濩 西界韓鼎倫 南界赫賀 北界領戈吾社 領小部落四

落爾和部 東界海 西界感密力 南界薩濩 北界海 領小部落一十五 產

羽毛呢哩噠五采緞

伊什部 東界海 西界赫賀 南界景北 北界薩賀 領小部落三十 產麥呢

薩濩部 東界海 西界感密力 南界伊什 北界落爾和 領小部落七 產短羊

毛

赫賀部 東界伊什 西北皆界經含 南界敏特塞司 領小部落四

脈賀部 東界感密力 治西界墨經含 南界赫賀 北界韓鼎倫 領小部落五

墨經含部 東界赫賀 西界惡斯賀 南界脈社 北界落含頓 領小部落五

惡斯賀部 東界脈經含 西界俄羅洗 南界斯達 北界注隘 領小部落五

俄羅洗斯達部 東界惡斯賀 西界滿茅治 南界稔祇 北界窩洗斯達 領小部落

八產細呢鉛布煤

墨力諾部 東界希厘賀 西界格馬廷 南界厄拉磨疑 北界拉落 領小部落三

格爾馬廷部 東界墨力諾 西界賓目 南界海 北界加里凝 領小部落三

賓目鹿部 東界格馬廷 西界皆界海 領小部落四

額臘磨凝部 東界滿茅治，西界格馬，南界海，北界墨力諾。 領小部落七，產

鐵錫馬口鐵煤。

滿茅治部 東界俄羅洗斯達，西界厄臘，南界海，北界希里賀。 領小部落三，

產綿花、羊毛、鐵煤。

戈倫和爾部 東界里完，西界海，北界皆界海。 領小部落一十七，有戈倫

和爾礮臺一所，產銅、鐵、錫。

里完部 東界疏馬什，南界海，西界戈倫和爾，北界海。 領小部落二十三，土

產錫。

疏馬什部 東界稔社，北界俄羅洗斯，南界海，西界落爾什。 領小部落十四，

產羊毛

落爾什部 東界舍社，西界里完，南界海，北界疏馬什。 領小部落十，

稔社部 東界舍社，北界俄羅洗斯達，南界落爾什，西界疏馬什。 領小部落十一，

產大呢、小呢、鐵、細地氈。

舍社部 東界舍利，西界稔社，南界海，北界脈社。 領小部落十六，其首部，

距蘭頓甚近，產橡木。

疏色司部 東界景，西界舍社，南界海，北界舍利。 領小部落十六，產綿花，

羊毛。

景部 東界海，西界舍利，南界疏色司，北界伊什。 土曠而沃，物產豐盛，所屬

落注之新圭博在國之南海船出入要港距蘭頓甚近對海卽是佛蘭西實蘭頓咽喉之所設立落注大礮臺水師巨艦多泊此及渣咸兩地所有軍裝器械火藥火礮均貯渣咸庫領小部落十七

舍利部東界景南界疏色司西界舍社北界蘭頓領小部落七

脈社部東北界皆惡斯賀西界稔舍南界舍社領小部落五

特爾舍部東界海西界良馬倫南界育社北界落滕馬蘭領小部落九

萌島部四面界海與良倫對峙領小部落四

英吉利所屬斯葛蘭島附記

斯葛蘭地三島相接一河中流東南平曠西北多山本愛倫之人所闢中爲斯葛司與畢斯割據東南遂名其地曰斯葛司又有士特那臘果律割據西北于耶穌紀年五百時南齊永元二年併吞斯葛司建部落於阿果律山上傳二百五十餘年爲塞循之根尼刺所滅易名斯葛蘭後有布魯士與巴利葛互爭英國之壹賀王以兵助巴利葛立爲王傳至亡都軋無道部眾漸怨於千六百有三年明萬曆三十三年英吉利遂乘間滅之以伊鄰麻社爲首

部落設官通商然其眾心至今向土都軋而不向英國也伊鄰麻社首部落設色孫衙門一所官十五人以聽訟益士知加衙門一所徵賦稅歲徵銀二千三百八十五萬員甘文好司一所執事四十五人皆由官民公舉大書館一所貯書十萬卷習俗固執膽大經營河渠五火臘河發源邊羅冕山麓至付利刺阿港出海河來底河度稔河均源於攬緋里斯社一由臘納社出海一由麻邑出海又有一河發源和化至拔社分流一經行出海曰底河一環繞而至鼻付社出海曰泗比河

斯葛蘭東南界英吉利西北界海幅員二萬九千六百方里戶二百三十六萬三千八百四十口大部部落三十領小部落三百三十八

- 伊鄰麻社東界哈領頓社西北界領利俄社領小部落七
- 領利俄社東界伊鄰麻社西北界領小部落三
- 萊斯麻社東界英吉利西界攬緋領小部落九
- 攬緋里社東界萊斯麻社西界領小部落十有四
- 加爾格墨利社東界攬緋里社西界埃野社領小部落七

稔達溫社

東界加格墨利社，西界南界海北界埃野社。

領小部落五。

埃野社

東界攬緋里社，南界稔達溫社，西界海北界凌埠流社。

領小部落十有

七，產呢煤鹽。

凌埠流社

東界那納社，南界埃野社，西界海北界攬麻頓社。

領小部落四，產

布紗袈娑布。

那納社

東界斯達凌，南界凌埠流社，西界阿埃爾社。

領小部落十有二，其

首部有那納礮臺，產布紗羽毛紗。

比墨司社

東界西爾格社，南界攬緋里社，西界那納社，北界依鄰麻社。

領小部落

三。

西爾格社

東南界萊斯麻社，西界比墨司社，北界依鄰麻社。

領小部落三。

麻壹社

東界海，南界萊斯麻社，西界依鄰麻社，北界哈領頓社。

領小部落十。

哈領頓社

東北界海，南界麻壹社，西界依鄰麻社。

領小部落五。

斯達凌社

東界領九俄社，南界那納社，西界攬麻頓社，北界拔社。

領小部落八。

其首部有礮臺二所。

攬麻頓社

東界斯達凌社，南界凌埠流社，西北界阿埃爾社。

領小部落二，其

首部有礮臺。

阿蘭島

在干代耶之東，埃野社之西。

領小部落一。

阿埃爾社

東界拔社，南界海，西界海，北界英哇爾社。

領小部落三十七，其

首部有礮臺二所

拔社東界和化社西界阿埃爾社南領小部落二十

四

噶利滿蘭部東界邑匪社南界領小部落四

邑匪社東界海西界噶里滿領小部落十有三其首

部有經哈倫礮臺產大花緞煤

和化社東南界海西界拔領小部落十有二其首部

有礮臺二

經加那引社東南界海西界和領小部落七

阿麻領社東北界海南界和領小部落二十九

晏付社東界阿麻領社領小部落八

麻立社東南界晏付社西領小部落五

泥倫東界麻立社南界英哇呢領小部落一

英哇呢斯社東界阿麻領社西界海南領小部落三

十八產布

羅斯社東西界海南界英哇領小部落二十六

沙特蘭社東界結尼司社西界海領小部落一十三

結尼司社西界沙特蘭社東領小部落十一

助愛倫遂復叛軍無紀律佛蘭西不及救應數月仍為英吉利所平自後英國亦斂其苛政設愛倫總理大員駐劄臘墨領並建書館貯書十萬卷賦稅每年徵收銀二千二百萬四百七十六員河道三麻羅河自領塞發源至瓦達賀港口出海杉冷河自阿蘭山發源摩目河受各湖之水匯歸杉冷河由利墨里港口出海產豆麥牲畜郭地產金沙金塊每塊有重二十四兩者郭地名愛倫四面皆海在英吉利之西少北幅員三萬方里戶口七百七十六萬七千四百有奇大部落三十有二小

部落四百四十有二

嶺部

東界海西北界密南界溫羅

領小部落六產銀

吉爾那厘部

東界溫羅南界加樓西界虧引斯加溫速北界密

領小部落十

三

奄特林部

東北界海西界倫頓那厘南界那溫

領小部落十有六其首

部曰敏爾化戎有大礮臺產夏布棉布

倫頓那厘部

東界奄特林北界海西界倫俄爾南界帶倫

領小部落十有

二產布

倫俄爾部

東界帶倫西北界海南界化蠻那

領小部落二十有九

帶倫部

東界倫頓那厘西南界摩那寒北界羅尼俄爾

領小部落二十其首

部有大礮臺

臘温部

東南界海西界阿馬北界奄特林

領小部落二十產夏布

阿馬部

東界那温西界摩那寒南界律北界帶倫

領小部落八產夏布

摩那寒部

東界阿馬西界化蠻那南界密北界帶倫

領小部落九

化蠻那部

東界摩那寒南界帶倫西界里特臨北界倫俄爾

領小部落九產

麻

加完部

東界摩那寒南界密西界里特臨北界化蠻那

領小部落九產夏布

里特臨部

東界加完南界朗賀西界色厘俄北界海

領小部落七產布

色里俄部

東界里特臨西界麻約南界羅斯感門北界海領小部落十有一

產布

麻約部

東界色里俄西北界海南界牙爾衛

領小部落十有九產布

牙爾衛部

東界羅斯敢門西界海南界吉利野北界麻約

領小部落三十有

六

羅斯敢門部

東界朗賀西界麻約南界牙爾衛北界色里俄

領小部落十有

二

朗賀部

東南界衛色密西界羅士感門北界里特臨

領小部落六

衛塞密部

東界密西界羅斯敢門南界經士加温北界加完

領小部落八

密部，東界拉墨領南界吉爾拉里，領小部落十有六，

律部，東界海西界摩那寒，領小部落七，產夏布羽毛

紗

經士加温部，東界吉爾拉里，西界牙爾衛南，領小部

落八

格列野部，東界底比那里，南界里敏，領小部落十有

六，產鉛鐵煤

加里部，東南界郭，領小部落二十有一

郭部，東界哇達活，南界海西，領小部落二十有二

離敏里部，東界底比那里，南界郭，領小部落十有四，
底比那里部，東界吉爾景尼，西界離敏里，領小部落
二十有三，
哇撻賀部，東界温斯稔，西界郭，南，領小部落十，
吉爾景尼部，東界加樓，北界虧引斯加温逮，領小部

落十有一，
虧引斯加温逮部，東界吉爾拉里，西界底比那里，領

小部落七，
加樓部，東南界温斯賀，西界吉，領小部落五，

溫羅部，東界海，西界吉爾那里，南領小部落十有二

溫斯賀部，東南界海，西界哇，領小部落十有六

溫羅部	東界海	西界吉爾那里	南領小部落十有二
溫斯賀部	東南界海	西界哇	領小部落十有六

